

韓文二



PL
2670
A1
1854
V.2



韓文卷之六

古詩

符讀書城南



木之就規矩在梓匠輪輿人之能為人由腹有詩書詩書
 勤乃有不勤腹空虛欲知學之力賢愚同一初由其不能
 學所入遂異間兩家各生子提孩巧相如少長聚嬉戲不
 殊同隊魚年至十二三頭角稍相踈二十漸乖張清溝映
 汙渠三十骨骼成乃一龍一豬飛黃騰踏去不能顧蟾蜍
 一為馬前卒鞭背生蟲蛆一為公與相潭潭府中居問之
 何因爾學與不學歟金壁雖重寶費用難貯儲學問藏之
 身身在則有餘君子與小人不繫父母且子魚切不見公與

韓文
相起身自犁鋤。不見三公後。寒饑出無驢。文章豈不貴。經
訓乃留畬。黃音潦無根源。朝滿夕已除。人不通古今。馬牛
而襟裾。行身陷不義。況望多名譽。時秋積雨霽。新涼入郊
墟。燈火稍可親。簡編可卷舒。豈不旦夕念。爲爾惜居諸。恩
義有相奪。作詩勸躊躇。

示爽

宣城去京國。里數逾三千。念汝欲別我。解裝具盤筵。日昏
不能散。起坐相引牽。冬夜豈不長。達旦燈燭然。座中悉親
故。誰肯捨汝眠。念汝將一身。西來曾幾年。名科擯衆俊。州
考居吏前。今從府公召。府公又時賢。時輩千百人。孰不謂
汝妍。汝來江南近。里閭故依然。昔日同戲兒。看汝立路邊。

人生但如此。其實亦可憐。吾老世味薄。因循致留連。強顏班行內。何實非罪愆。才短難自力。懼終莫洗湔。音箋臨分不汝誑。有路卽歸田。

人日城南登高

初正候纔兆。涉七氣已弄。靄靄野浮陽。暉暉水披凍。聖朝身不廢。佳節古所用。親交旣許來。子姝亦可從。盤蔬冬春雜。罇酒清濁共。令徵前事爲。觴詠新詩送。扶杖凌圯阯。刺船犯枯葑。方用切戀池羣鴨廻。釋嶠孤雲縱。人生本坦蕩。誰使妄倥偬。音控直指桃李闌。幽尋寧止重。音粽

病鴟

屋東惡水溝。有鴟墮鳴悲。青泥揜兩翅。拍拍不得離。羣童

叫相召。瓦礫爭先之計。校生平事。殺却理亦宜。奪攘不愧耻。飽滿盤天嬉。晴日占光景。高風送追隨。遂凌紫鳳羣。肯顧鴻鵠卑。今者運命窮。遭逢巧丸兒。中汝要害處。汝能不得施於吾。乃何有。不忍乘其危。巧汝將死命。浴以清水池。朝餐輟魚肉。暝宿防狐狸。自知無以致。蒙德久猶疑。飽入深竹叢。饑來傍階基。亮無責報心。固以聽所爲。昨日有氣力。飛跳弄藩籬。今晨忽徑去。曾不報我知。僥倖非汝福。天衢汝休窺。京城事彈射。豎子豈易欺。勿諱泥坑辱。泥坑乃良規。

華山女

街東街西講佛經。撞鍾吹螺鬧宮庭。廣張罪福資誘脅。聽

衆狎恰排浮萍。黃衣道士亦講說。座下寥落如明星。華山
女兒家奉道。欲驅異教歸僊靈。洗粧拭面著冠帔。白咽紅
頰長眉青。遂來昇座演真訣。觀門不許人開扃。不知誰人
暗相報。訇然振動如雷霆。掃除衆寺人跡絕。驛驢塞路連
輜輶。觀中人滿坐觀外。後至無地無由聽。抽釵脫釧解環
佩。堆金疊玉光青瑩。天門貴人傳詔召。六宮願識師顏形。
玉皇領首許歸去。乘龍駕鶴來青冥。豪家少年豈知道。來
繞百市脚不停。雲牕霧閣事恍惚。重重翠幔深金屏。僊梯
難攀俗緣重。浪憑青鳥通丁寧。

讀皇甫湜公安園池詩書其後二首

晉人目二子。其猶吹一呖。音區區自其下。顧肯挂牙舌。春

韓文
卷之六
三
秋書王法不誅其人身爾雅注蟲魚定非磊落人湜也困
公安不自閒窮年枉智思掎摭糞壤汙穢豈有臧誠不如
兩忘但以一槩量我有一池水蒲葦生其間蟲魚沸相嚼
日夜不得閒我初往觀之其後益不觀觀之亂我意不如
不觀完用將濟諸人捨得業孔顏百年詎幾時君子不可
閒

路傍堠

堆堆路傍堠音后一雙復一隻迎我出秦關送我入楚澤千
以高山遮萬以遠水隔吾君勤聽治照與日月敵臣愚幸
可哀臣罪庶可釋何當迎送歸緣路高歷歷

食曲河驛

晨及曲河驛。悽然自傷情。羣鳥巢庭樹。乳雀飛簷楹。而我
抱重罪。孑孑萬里程。親戚頓乖角。圖史棄縱橫。下負明義
重。上孤朝命榮。殺身諒無補。何用荅生成。

過南陽

南陽郭門外。桑下來青青。行子去未已。春鳩鳴不停。秦商
邈旣遠。湖海浩將經。孰忍生以感。吾其寄餘齡。

瀧吏

南行逾六旬。始下昌樂瀧。音雙險惡不可狀。船石相舂撞。往
問瀧頭吏。潮州尚幾里。行當何時到。土風復何似。瀧吏垂
手笑。官何問之愚。譬官居京邑。何由知東吳。東吳遊宦鄉。
官知自有由。潮州底處所。有罪乃竄流。儂幸而負犯。何由

到而知官今行自到。那遽妄問爲不虞。卒見困。汗出愧。且駭。吏曰。聊戲官。儂嘗使往罷嶺南。大抵同。官去道苦遼。下此三千里。有州始名潮。惡溪瘴獨聚。雷電常洶洶。鱷魚大於船。牙眼怖殺儂。州南數十里。有海無天地。颶音具風有時作。掀簸真差去聲事。聖人於天下。於物無不容。比聞此州囚。亦有生還儂。官無嫌此州。固罪人所徙。官當明時來。事不待說委。官不自謹慎。宜卽引分往。胡爲此水邊。神色久懔懔。旄音岡大鉞音小。所任自有宜。官何不自量。滿溢以取斯。工農雖小人。事業各有守。不知官在朝。有益國家不得無。虱其間。不武亦不文。仁義飾其躬。巧姦敗羣倫。叩頭謝吏言。始慚今更羞。歷官二十餘。國恩並未酬。凡吏之所訶。嗟

實頗有之。不卽金木誅。敢不識恩私。潮州雖云遠。雖惡不可過於身實已多。敢不持自賀。

贈別元十八協律六首

知識久去眼。吾行其旣遠。曹曹莫訾省。默默但寢飯。子兮何爲者。冠珮立憲憲。何氏之從學。蘭蕙已滿畹。於何翫其光。以至歲向晚。治惟尚和同。無俟於蹇蹇。或師絕學賢。不以藝自輓。子兮獨如何。能自媚婉婉。金石出聲音。宮室發關鍵。何人識章甫。而知駿蹄跼。於阮切惜乎吾無居。不得留息偃。臨當背面時。裁詩示繾綣。

英英桂林伯。實惟文武特。遠勞從事賢。來弔逐臣色。南裔多山海。道里屢紆直。風波無程期。所憂動不測。子行誠艱

難我去未窮極臨別且何言有淚不可拭

吾友柳子厚其人藝且賢吾未識子時已覽贈子篇寤寐想風采於今已三年不意流竄路旬日同食眠所聞昔已多所得今過前如何又須別使我抱悁悁

勢要情所重排斥則挨塵骨肉未免然又况四海人嶷嶷桂林伯矯矯義勇身生平所未識待我逾交親遺我數幅書繼以藥物珍藥物防瘡癘書勸養形神不知四罪地豈有再起辰窮途致感激肝膽還輪囷

讀書患不多思義患不明患足已不學既學患不行子今四美具實大華亦榮王官不可闕未宜後諸生嗟我擯南海無由助飛鳴

寄書龍城守。君驥何時秣。峽山逢颶風。雷電助撞捽。昨沒切
乘潮簸扶胥。近岸指一髮。兩巖雖云牢。水石牙飛發。屯門
雖云高。亦映波浪沒。余罪不足惜。子生未宜忽。胡為不忍
別。感謝情至骨。

初南食貽元十八協律

鰲音后實如惠文。骨眼相負行。蠔音豪相黏爲山。百十各自生。
蒲魚尾如蛇。口眼不相營。蛤卽是蝦蟇。同實浪異名。章舉
馬甲柱鬪以怪。自呈其餘數十種。莫不可歎驚。我來禦魑
魅。自宜味南京。調以鹹與酸。芼音胃以椒與橙。腥臊始發越。
咀吞面汗駢。音星惟蛇舊所識。實憚口眼寧。開籠聽其去。鬱
屈尚不平。賣爾非我罪。不屠豈非情。不祈靈珠報。幸無嫌

怨并聊歌以記之。又以告同行。

宿曾江口示姪孫湘二首

雲昏水奔流。天水湊相圍。三江滅無口。其誰識涯圻。暮宿投民村。高處水半扉。犬雞俱上屋。不復走與飛。篙舟入其家。暝聞屋中啼。問知歲常然。哀此爲生微。海風吹寒晴。波揚衆星輝。仰視北斗高。不知路所歸。

舟行亡故道。屈曲高林間。林間無所有。奔流但潺潺。嗟我亦拙謀。致身落南蠻。茫然失所詣。無路何能還。

荅柳柳州食蝦蟇

蝦蟇雖水居。水特變形貌。強號爲蛙蛤。於實無所校。雖然兩股長。其奈脊皴_音皴_音。跳躑雖云高。意不離潭_音淖_音。關

鳴聲相呼和。無理只取鬧。周公所不堪。灑灰垂典教我棄。
愁海濱。恒願眠不覺。教音叵堪朋類多。沸耳作驚爆。音端能
敗笙磬。仍工亂學校。雖蒙句踐禮。竟不聞報效。大戰元鼎
年。孰強孰敗撓。居然當鼎味。豈不辱釣罩。余初不下喉。近
亦能稍稍。常懼染蠻夷。失平生好樂。而君復何爲。甘食比
豢豹。獵較務同俗。全身斯爲孝。哀哉思慮深。未見許廻權。

別趙子

我遷於揭陽。君先揭陽居。揭陽去京華。其里萬有餘。不謂
小郭中。有子可與娛。心平而行高。兩通詩與書。婆娑海水
南。簸弄明月珠。及我遷宜春。意欲攜以俱。擺頭笑且言。我
豈不足歟。又奚爲於此。往來以紛如。海中諸山中。幽子頗

不無相期風濤觀已久不可渝又嘗疑龍蝦果誰雄牙鬚
蚌羸魚鼈蟲瞿瞿以狙狙識一已忘十大同細自殊欲一
窮究之時歲屢謝除今子南且北豈非亦有圖人心未嘗
同不可一理區宜各從所務未用相賢愚

除官赴闕至江州寄鄂岳李大夫

盆城去鄂渚風便一日耳不枉故人書無因帆江水故人
辭禮闈旌節鎮江圻而我竄逐者龍鍾初得歸別來已三
歲望望長迢遞咫尺不相聞平生那可計我齒落且盡君
鬢白幾何年皆過半百來日苦無多少年樂新知衰暮思
故友譬如親骨肉寧免相可不我昔實愚惓不能降色辭
子犯亦有言臣猶自知之公其務貴音世過我亦請改事桑

榆儻可收願寄相思字。

南山有高樹行贈李宗閔

南山有高樹花葉何蓑蓑。上有鳳凰巢鳳凰乳且棲。四旁多長枝羣鳥所托依。黃鵠據其高衆鳥接其卑。不知何山鳥羽毛有光輝。飛飛擇所處正得衆所希。上承鳳凰恩自期永不衰。中與黃鵠羣不自隱其私。下視衆鳥羣汝徒竟何爲。不知挾九子心默有所規。彈汝枝葉間汝翅不覺摧。或言由黃鵠黃鵠豈有之。慎勿猜衆鳥衆鳥不足猜。無人語鳳凰汝屈安得知。黃鵠得汝去婆娑弄毛衣。前汝下視鳥各議汝瑕疵。汝豈無朋匹有口莫肯開。汝落蒿艾間幾時復能飛。哀哀故山友中夜思汝悲。路遠翅翎短不得持。

韓文
汝歸

猛虎行

猛虎雖云惡。亦皆有匹儕。羣行深谷間。百獸望風低。身食黃熊父子食。赤豹麋。擇肉於熊豹。肯視兔與狸。正晝當谷眠。眼有百步威。自矜無當對。氣性縱以乖。朝怒殺其子。暮還食其妃。匹儕四散走。猛虎還孤棲。狐鳴門兩旁。烏鵲從噪之。出逐猴入居。虎不知所歸。誰云猛虎惡。中路正悲啼。豹來銜其尾。熊來攫其頤。猛虎死不辭。但慚前所爲。虎坐無助死。况如汝細微。故當結以信。親當結以私。親故且不保。人誰信汝爲。

韓文卷之六終

韓文卷之七

古詩

雪後寄崔二十六丞公

藍田十月雪塞關。我興南望愁群山。攢天嵬嵬東相映。君
乃寄命於其間。秩卑俸薄食口衆。豈有酒食開容顏。殿前
群公賜食罷。驛騶蹋路驕且閑。稱多量少鑒裁去聲密。豈念
幽桂遺榛菅。幾欲犯嚴出薦口。氣象硤兀未可攀。歸來殞
涕揜關臥。心之紛亂誰能刪。詩翁憔悴斲荒棘。清玉刻佩
聯玦環。腦脂遮眼臥壯士。大弨音超挂壁無由彎。乾坤施惠
萬物遂。獨於數子懷偏慳。朝欹暮偃音借不可解。我心安得
如石頑。

送僧澄觀

浮屠西來何施爲。擾擾四海爭奔馳。構樓架閣切星漢。誇
雄鬪麗止者誰。僧伽後出淮泗上。勢到衆佛尤恢奇。越商
胡賈脫身罪。珪璧滿船寧計資。清淮無波平如席。欄柱傾
扶半天赤。火燒水轉掃地空。突兀便高三百尺。影沉潭底
龍驚遁。當晝無雲跨虛碧。借問經營本何人。道人澄觀名
籍籍。愈昔從軍大梁下。往來蒲屋賢豪者。皆言澄觀雖僧
徒。公才吏用當今無。後從徐州辟書至。紛紛過客何由記。
人言澄觀乃詩人。一座競吟詩句新。向風長歎不可見。我
欲收歛加冠巾。洛陽窮秋厭窮獨。丁丁啄門疑啄木。有僧
來訪呼使前。伏犀挿腦高頰權。惜哉已老無所及。坐睨神

骨空潸然臨淮太守初到郡遠遣州民送音問好奇賞俊
直難逢去去爲致思從容

山南鄭相公樊員外酬答爲詩其末咸有見及語樊
封以示愈依賦十四韻以獻

梁維西南屏山厲水刻屈稟生肖勦

音剛難諧在民物榮

公鼎軸老烹幹力健倔

渠勿切

帝咨女予往牙纛前

蒲悶切

拂

音佛

威風挾惠氣蓋壤兩劇拂茫漫華黑間指畫變悅歛

音忽誠既富而美章彙霍炳蔚日延講大訓龜判錯袞散樊

子坐賓署演孔刮老佛金舂撼玉應厥臭劇蕙鬱遺我一

言重跼受惕齋慄辭慳義卓闊呀

虛加切

豁疚培音哀掘如新

去聵聵雷霆逼颶颶

干筆切

綴此豈爲訓俚言紹莊屈

奉和武相公鎮蜀時詠使宅韋太尉所養孔雀

穆穆鸞鳳友。何年來止茲。飄零失故態。隔絕抱長思。翠角高獨聳。金華煥相差。坐蒙恩顧重。畢命守堦墀。

感春三首

偶坐藤樹下。暮春下旬間。藤陰已可庇。落葉還漫漫。疊疊新葉大。瓏瓏晚花乾。青天高寥寥。兩蝶飛翻翻。時節適當爾。懷悲自無端。

黃黃蕪菁花。桃李事已退。狂風簸枯榆。狼籍九衢內。春序一如此。汝顏安足賴。誰能駕飛車。相從觀海外。

晨遊百花林。朱朱兼白白。柳枝弱而細。懸樹垂百尺。左右同來人。金紫貴顯劇。嬌童爲我歌。哀響跨箏笛。艷姬蹋筵

舞清眸刺劒戟。心懷平生友。莫一在燕席。死者長眇芒。生者困乖隔。少年真可喜。老大百無益。

早赴街西行香贈盧李二中舍人

天街東西異。祇命遂成游。月明御溝曉。蟬吟堤樹秋。老僧情不薄。僻寺境還幽。寂寥二三子。歸騎得相收。

晚寄張十八助教周郎博士

日薄風景曠。出歸偃前簷。晴雲如擘絮。新月似磨鎌。田野興偶動。衣冠情久厭。吾生可攜手。歎息歲將淹。

題張十八所居

君居泥溝上。溝濁萍青青。蛙讙橋未掃。蟬嘒音歲門長扃。名秩後千品。詩文齊六經。端來問奇字。爲我講聲形。

奉酬盧給事雲夫四兄曲江荷花行見寄并呈上錢
七兄閣老張十八助教

曲江千頃秋波淨。平鋪紅雲蓋明鏡。大明宮中給事歸。走
馬來看立不正。遺我明珠九十六。寒光映骨睡驪目。我今
官閑得婆娑。問言何處芙蓉多。撐舟昆明度雲錦。脚敲兩
舷叫吳歌。太白山高三百里。負雪崔嵬插花裏。玉山前却
不復來。曲江汀滢水平盃。我時相思不覺一迴首。天門九
扇相當開。上界真人足官府。豈如散仙鞭笞鸞鳳。終日相
追陪。

奉和錢七兄曹長盆池所植

翻翻江浦荷。而今生在此。擢擢菰葉長。芳根誰復徙。露渥

兩鮮翠。風蕩相磨倚。但取主人知。誰言益盍是。

記夢

夜夢神官與我言。羅縷道妙角與根。挈攜陬維口。瀾翻百
二十刻。湏臾間。我聽其言未云足。捨我先度橫山腹。我徒
三人共追之。一人前度安不危。我亦平行蹋丘翫牛。

切神完骨。躋脚不掉。側身上視溪谷盲。杖撞玉版聲彭舫。

神官見我開顏笑。前對一人壯非少。石壇坡陀可坐臥。我

手承頰孩音肘拄座。隆樓傑閣磊嵬高。天風飄飄吹我過。壯

非少者哦七言。六字常語一字難。我以指撮白玉丹。行且

咀噍諧行詰盤口。前截斷第二句。綽虛顧我顏不歡。乃知

仙人未賢聖。護短憑愚邀我敬。我能屈曲自世間。安能從

女巢神山

南內朝賀歸呈同官

薄雲蔽秋曦。清雨不成泥。罷賀南內衙。歸涼曉淒淒。綠槐
十二街。渙散馳輪蹄。余惟驚書生。孤身無所齎。三黜竟不
去。致官九列齋。豈惟一身榮。佩玉冠簪犀。滉蕩天門高。著
籍朝厥妻。文才不如人。行又無町畦。問之朝廷事。略不知
東西。況於經籍深。豈究端與倪。君恩太山重。不見酬稗穉。
所職事無多。又不自提撕。明庭集孔鸞。曷取於鳬鷺。樹以
松與栢。不宜間蒿藜。婉孌自媚好。幾時不見擠。貪食以忘
軀。𪔐鮮音不調鹽醢法。吏多少年磨。淬出角圭將。舉汝愆尤。
以爲已。階梯收身歸。關東期不到死迷。

朝歸

峨峨進賢冠。耿耿水蒼佩。服章豈不好。不與德相對。顧影聽其聲。頽頽汗漸_{尖音}背。進乏犬雞效。又不勇自退。坐食取其肥。無堪等鵲贖。長風吹天墟。秋日萬里曬。抵暮但昏眠。不成歌慷慨。

雜詩四首

朝蠅不須驅。暮蚊不可拍。蠅蚊滿八區。可盡與相格。得時能幾時。與汝恣啖_{責音}咋。涼風九月到。掃不見蹤跡。

鵲鳴聲楂楂。鳥噪聲攫攫。爭鬪庭宇間。持身博彈射。黃鵠能忍饑。兩翅久不擘。蒼蒼雲海路。歲晚將無獲。

截_{老音}橈爲榑_音櫨。斲楹以爲椽。束蒿以代之。小大不相權。雖

無風雨災得不覆且顛解轡棄騏驥蹇驢鞭使前崑崙高
萬里歲盡道苦邇停車臥輪下絕意於神僊
雀鳴朝營食鳩鳴暮覓群獨有知時鶴雖鳴不緣身暗蟬
終不鳴有抱不列陳蛙黽鳴無謂閣閣祇亂人

讀東方朔雜事

嚴嚴王母宮下維萬仙家噫欠爲飄風濯手大雨沱方朔
乃豎子驕不加禁訶偷入雷電室音轟輶音稜掉狂車王母
聞以笑衛官助呀呀不知萬萬人生身埋泥沙鯢蠃五山
踣音匍流漂八維蹉曰吾兒可憎奈此狡獪何方朔聞不喜
褫身絡蛟蛇瞻相北斗柄兩手自相援音難群仙急乃言百
犯庸不科向觀睥睨處事在不可赦音奢欲不布露言外口

實誼譁王母不得已。顏頰口齋嗟。額頭可其奏。送以紫玉珂。方朔不懲創。挾恩更矜誇。詆欺劉天子。正晝溺奴吊殿切衙。一旦不辭訣。攝身凌蒼霞。

譴瘧鬼

屑屑水帝鬼。謝謝無餘輝。如何不肖子。尚奮瘧鬼威。乘秋作寒熱。翁嫗所罵譏。求食歐泄間。不知臭穢非。醫師加百毒。熏灌無停機。灸師施艾炷。酷若獵火圍。詛師毒口牙。舌作霹靂飛。符師弄刀筆。丹墨交橫揮。咨汝之胄。出門戶何巍巍。祖軒而父頊。未沫於前徽。不修其操行。賤薄似汝稀。豈不忝厥祖。覩然不知歸。湛湛江水清。歸居安汝妃。清波爲裳衣。白石爲門畿。呼吸明月光。手掉芙蓉旂。降集隨九

歌飲芳而食菲。贈汝以好辭。出汝去莫遠。

示兒

始我來京師。止攜一束書。辛勤三十年。以有此屋廬。此屋豈爲華。於我自有餘。中堂高且新。四時登牢蔬。前榮饌賓親。冠婚之所於。庭內無所有。高樹八九株。有藤婁音綏絡之。春華夏陰敷。東堂坐見山。雲風相吹嘘。松果連南亭。外有瓜芋區。西偏屋不多。槐榆翳空虛。山鳥旦夕鳴。有類澗谷居。主婦治北堂。膳服適戚疎。恩封高平君。子孫從朝裾。開門問誰來。無非卿大夫。不知官高卑。玉帶懸金魚。問客之所爲。我冠講唐虞。酒食罷無爲。某音朔以相娛。凡此座中人。十九持釣樞。又問誰與頻。莫與張樊如。來過亦無事。考

評道精麤。躔音仙媚學子。牆屏日有徒。以能問不能。其蔽
豈可祛。嗟我不修飾。事與庸人俱。安能坐如此。比肩於朝
儒。詩以示兒曹。其無迷厥初。

庭楸

庭楸止五株。共生十步間。各有藤繞之。上各相鉤連。下葉
各垂地。樹顛各雲連。朝日出其東。我常坐西偏。夕日在其
西。我常坐東邊。當晝日在上。我在中央間。仰視何青青。上
不見纖穿。朝暮無日時。我且八九旋。濯濯晨露香。明珠何
聯聯。夜月來照之。舊舊音倩自生煙。我已自頑鈍。重遭五楸
牽。客來尚不見。肯到權門前。權門衆所趨。有客動百千。九
牛亡一毛。未在多少間。往既無可顧。不往自可憐。

朝
翫月喜張十八員外以王六秘書呈

前夕雖十五月長未滿規君來晤我時風露渺無涯浮雲
散白石天宇開青池孤質不自憚中天爲君施翫翫夜遂
久亭亭曙將披况當今夕圓又以嘉客隨惜無酒食樂但
用歌嘲爲

和李相公攝事南郊覽物興懷呈一二知舊

燦燦辰角曙亭亭寒露朝川原共澄映雲日還浮飄上宰
嚴祀事清途振華鑣圓丘峻且坦前對南山標村樹黃復
綠中田稼何饒顧瞻想巖谷興歎倦塵囂惟彼顛瞑者去
公豈不遼爲仁朝自治用靜兵以銷勿憚吐捉勤可歌風
雨調聖賢相遇少功德今宣昭

和裴僕射相公假山十一韻

公乎真愛山。看山且連夕。猶嫌山在眼。不得着脚歷。枉語
山中人。句我澗側石。有來應公須。歸必載金帛。當軒乍駢
羅。隨勢忽開圻。有洞若神剎。烏官切有巖類天劃。終朝巖洞
間。歌鼓燕賓戚。孰謂衡霍期。近在王侯宅。傅氏築已卑。磻
溪釣何激。逍遙功德下。不與事相據。樂我盛明朝。於焉傲
今昔。

與張十八同效阮步兵一日復一夕

一日復一日。一朝復一朝。祇見有不如。不見有所超。食作
前日味。事作前日調。不知久不死。悶悶尚誰要。富貴自縈
拘。貧賤亦煎焦。俯仰未得所。一世已解鑣。譬如籠中鶴。六

翻無所搖。譬如兔得蹄。何用東西跳。還看古人書。復舉前人瓢。未知所究竟。且作新詩謠。

送諸葛覺往隨州讀書

鄴侯家多書。插架三萬軸。一一懸牙籤。新若手未觸。爲人強記覽。過眼不再讀。偉哉群聖文。磊落載其腹。行年餘五十。出守數已六。京邑有舊廬。不容久食宿。臺閣多官員。無地寄一足。我雖官在朝。氣勢日局縮。屢爲丞相言。雖懇不見錄。送行過瀍水。東望不轉目。今子從之游。學問得所欲。入海觀龍魚。矯翮逐黃鵠。勉爲新詩章。月寄三四幅。

南溪始泛三首

榜音舟南山下。上上不得返。幽事隨去多。孰能量近遠。陰

沉過連樹藏昂抵橫坂石麤肆磨礪波惡厭牽挽或倚偏
岸漁竟就平洲飯點點暮雨飄梢梢新月偃餘年懍無幾
休日愴已晚自是病使然非由取高蹇

南溪亦清駛

式至切

而無楫與舟山農驚見之隨我觀不休

不惟兒童輩或有杖白頭饋我籠中瓜勸我此淹留我云
以病歸此已頗自由幸有用餘俸置居在西疇困倉米穀
滿未有旦夕憂上去無得得下來亦悠悠但恐煩里閭時
有緩急投願爲同社人雞豚燕春秋

足弱不能步自宜收朝蹟羸形可輿致佳觀

去聲

安可擲即

此南坂下久聞有水石挖舟入其間溪流正清激隨波吾
未能峻瀨乍可刺鷺起若導吾前飛數十尺亭亭柳帶沙

團團松冠壁歸時還盡夜誰謂非事役

韓文卷之七終

韓文卷之八

聯句

城南聯句

竹影金瑣碎

郊

泉音玉淙琤。瑠璃翦木葉。

愈

翡翠開園英。

流滑隨仄步。

郊

搜尋得深行。遙岑出寸碧。

愈

遠日增雙明。

乾穠紛拄地。

郊

化蟲枯揭

音

莖木腐或垂耳。

愈

草珠競駢

晴浮虛有新斲。

郊

摧扞饒孤撐。囚飛黏網動。

愈

盜啅接彈

驚脫實自開坼。

郊

牽柔誰繞縈。禮鼠拱而立。

愈

駭牛躅且

鳴。蔬甲喜臨社。

郊

田毛樂寬征。露螢不自暖。

愈

凍蝶尚思

輕。宿羽有先曉。

郊

食鱗時半橫。菱翻紫角利。

愈

荷折碧圓

傾。楚膩鱣鮪

音

亂

郊

獠羞螺螄并。桑蠶見虛指。

愈

穴狸聞

鬪僇逗翳翅相築

郊

擺幽尾交榜

音

蔓涎角出縮

愈

樹啄

頭敲鏗脩箭裏

音

金餌

郊

羣鮮沸池羹

音

岸殼圻玄北

愈

野

甦漸豐萌

音

密煙幕疏島

郊

沙篆印廻平

音

痒肌遭蚝

七吏切

刺

七

愈音

啾耳聞雞生竒慮忞廻轉

郊

遐晞縱逢迎

巔林戢遠

睫

愈

縹氣夷空情歸跡歸不得

郊

捨心捨還爭靈脉撮狗

蝨

愈

村稚啼禽猩紅皺曬檐瓦

郊

黃團繫門衡得雋蠅虎

健

愈

相殘雀豹趙

音

束枯樵指禿

郊

刈熟擔肩頰

音

澁旋

皮卷

音

癢

愈力切

苦開腹彭亨機春潺湲力

郊

吹簌飄飄精

賽饌木盤簇

愈

鞞妖藤索絝

音

荒學五六卷

郊

古藏四三

坐里儒拳足拜

愈

土怪閃眸偵蹄道補復破

郊

絲窠掃還

成暮堂蝙蝠沸

愈

破竈伊威盈追此訊前主

郊

荅云皆冢

卿敗壁剥寒月愈折篁嘯遺笙圭音熏霏霏在郊綦跡微

微呈劒石猶竦檻愈獸材尚罕楹寶唾拾未盡郊玉啼墮

猶鎗楚耕切牖綃疑悶豐愈糝燭已銷榮綠髮抽珉鬢青膚

聳瑤楨白蛾飛舞地愈幽蠹落書棚惟惜集嘉詠郊吐芳

類鳴嚶窺竒摘海異愈恣韻激天鯨腸胃繞萬象郊精神

驅五兵蜀雄李杜拔愈嶽力雷車轟大句幹玄造郊高言

軋霄崢芒端轉寒燠愈神助溢杯觥巨細各乘運愈湍瀾

亦騰聲凌花咀粉蘂郊削縷穿珠櫻綺語洗晴雪愈嬌辭

哢雛鸞酣歡雜弁珥郊繁價流金瓊茁茁寫江調郊菱蕤

綴藍瑛庖霜鱠玄鯽愈浙玉炊香粳朝饌已百態郊春醪

又千名哀匏蹙駛景愈冽唱凝餘晶解魄不自主郊痺肌

坐空惝

音撐

扳援賤蹊絕

愈

炫曜僊選更藁巧競採笑

郊

駢

鮮互探嬰桑變忽蕪蔓

愈

樟裁浪登丁霞闕詎能極

郊

風

期誰復賡臯區扶帝壤

愈

壤蘊郁天京祥色被文彥

郊

良

才插杉檉隱伏饒氣象

愈

興潛示堆坑壁華露神物

郊

擁

終儲地禎訐謨壯締始

愈

輔弼登階清分秀恣填塞

郊

呀

靈畜淳

音亭

澄益大聯漢魏

愈

肇初邁周嬴積照涵德鏡

郊

傳經儷金羸

音盈

食家行鼎鼐

愈

寵族飫弓旌奕制盡從賜

殊私得逾程飛橋上架漢

愈

繚岸俯規瀛瀟碧遠輸委

郊湖嵌

口切

費攜擎荀苜從大漠

愈

楓櫓音諸至南荆嘉植

鮮危朽

郊

膏理易滋榮懸長巧組翠

愈

象曲善攢珩魚口

星浮沒

郊

馬毛錦斑駢五方亂風土

愈

百種分鉏耕葩蘖

相妬出

郊

菲茸共舒情。類招臻侖

音

詭

愈

翼萃伏衿纓。危

望跨飛動

郊

冥升躡登閔。春游轢

音

霍

愈

彩伴颯娑

音

嬪

音

遺燦飄的樂

郊

淑顏洞精誠。嬌應如在寤

愈

顏意若

含醒鵠毳翔衣帶

郊

鵠肪

音

截佩璜。文昇相照灼

愈

武勝

屠攬

音

搶

楚庚切

割錦不酬價

郊

構雲有高營。通波物鱗介

愈

疏畹富蕭蘅。買養馴孔翠

郊

遠苞樹蕉拼

音

鴻頭排刺

芡

愈

鵠殼

音

攢瓊橙。驚廣雜良牧

郊

蒙休賴先盟。罷旌奉

環衛

愈

守封踐忠貞。戰服脫明介

郊

朝冠飄彩紘。爵勲逮

僮隸

愈

簪笏自懷繡。乳下秀嶷嶷

郊

椒蕃泣嗶嗶

音

貌鑑

清溢匣

愈

眸光寒發硯。館儒養經史

郊

綴戚觴孫甥。考鍾

饋肴核

愈

戛鼓侑牢牲。飛膳自北下

郊

函珍極東京。如瓜

韓文

卷六

三

威暢捐轡

入容切

朝

靈燔望高岡

郊

龍駕聞鼓鼙

音橫

是惟

禮之盛

愈

永用表其宏德孕厚生植

郊

恩熙完別剌宅土

盡華族

愈

運田閒強壯蔭庾森嶺檜

郊

啄場翹祥鳴

音明

肥翦韭薤

愈

陶固收盆甕利養積餘健

郊

孝思事嚴祊

音崩

掘雲破帶

音垤

採月漉坳泓

寺砌上明鏡

郊

僧盂敲

曉鉦泥像對騁怪

愈

鐵鍾孤舂鐙

音橫

癭頸開鳩鵲

郊

蜿垣

亂蛭蝾甚黑老蠶蠋

愈

麥黃韻鸚鵡韶曙遲勝賞

郊

賢朋

戒先庚馳門填偈仄

愈

競墅輾砮

披冰切

砮

音普耕切

碎纈紅滿

杏

郊

稠凝碧浮飴

音情

躋

音足

繩覲娥娑

愈

鬬草擷

胡結切

璣瑱

粉汗澤廣額

郊

金星墮連環鼻偷困淑郁

愈

眼剽強盯

音根

暉

音音

是節飽顏色

郊

茲疆稱都城書饒罄魚繭

愈

紀盛播

韋文

卷之六

四

琴箏奚必事遠覲

郊

無端逐羈傖

助庚切

將身親魍魅

愈

浮

跡侶鷗鵲腥味空真屈

郊

天年徒羨彭驚魂見蛇蚓

愈

觸

嗅值蝦蟇幸得履中氣

郊

忝從拂天棖歸私暫休暇

愈

驅

明出庠黌鮮意竦輕暢

郊

連輝照瓊瑩陶暄逐風乙

愈

烏

躍視舞晴蜻足勝自多詰

郊

心貪敵無勅始知樂名教

愈

切

何用苦拘擥畢景任詩趣

郊

焉能守磳磳

愈

會合聯句

離別言無期會合意彌重

籍

病添兒女戀老喪丈夫勇

愈

劒心知未死詩思猶孤聳

郊

愁去劇箭飛謹來若泉涌

徹

析言多新貫攄抱無昔壅

籍

念難須勤追悔易勿輕踵

愈

吟巴山犖嶭

音

說楚波堆壟

郊

馬辭虎豹怒舟出蛟鼉恐

愈

徹狂鯨時孤軒幽狄雜百種愈瘴衣常腥膩蠻器多踈冗

籍剝苔弔斑林角飯餌沉塚愈忽爾街遠命歸歟舞新寵

郊鬼窟脫幽妖天居覲清拱愈京遊步方振謫夢意猶恂

籍詩書誇舊知酒食接新奉愈嘉言寫清越瘡病失耽腫

郊夏陰偶高庇宵魄接虛擁愈雪絃寂寂聽茗盃纖纖捧

郊馳輝燭浮螢幽響泄潛蜚愈詩老獨何心江疾有餘

廔我家本瀝穀有地介皐輦休跡憶沈冥峨冠慚闐

音罅音升朝高轡逸振物羣聽悚徒言濯幽泌誰與薤

荒茸籍朝紳鬱青綠馬飾曜珪珙國讐未銷鑠我志蕩叩

隴君才誠倜儻時論方洵溶音格言多彪蔚懸解無桔

拳張生得淵源寒色拔山冢堅如撞羣金眇若抽獨蛹

愈伊余何所擬跛鼃詎能踊塊然墮岳石飄爾腎巢毳鄒
元龍旆垂天衛雲韶凝禁甬君胡眠安然朝鼓聲洶洶愈

鬪雞聯句

大雞昂然來小雞竦而待愈崢嶸顛音盛氣洗刷凝鮮彩
郊高行若矜豪側睨如何殆愈精光目相射劒戟心獨在
郊旣取冠爲胄復以距爲鏃音天時得清寒地利挾爽塏
愈磔毛各噤音痒所怒癭爭礪磊俄膺忽爾低植立瞥
撇音而改郊脰音膊音戰聲喧續翻落羽七中休事未
决小挫勢益倍愈妬腸務生敵賊性專相醢裂血失鳴聲
啄殷鳥甚饑餒郊對起何急驚隨旋誠巧給毒手飽李
陽神槌困朱亥愈惻心我以仁碎首爾何罪獨勝事有然旁

驚汗流浹郊知雄欣動顏怯負愁看賄爭觀雲填道助叫
波翻海愈事瓜深難解嗔晴時未怠一噴一醒然再接再
礪乃郊頭垂碎丹砂翼搦拖錦綵連軒尚賈音餘清厲比
歸凱愈選俊感收毛受恩慚始隗英心甘鬪死義肉恥庖
宰君看鬪雞篇短韻有可採郊

納涼聯句

遞嘯取遙風微微近秋朔郊金柔氣尚低火老候愈濁愈
熙熙炎光流竦竦高雲擢愈閃閃紅驚蚰音虬凝赤聳山嶽
目林恐焚燒耳井憶灑士咸切灑才弱切仰懼失交泰非時結
冰雹化鄧渴且多奔河誠已慙音渴道者誰子叩商者何
樂洗矣得滂沱感然鳴鸞驚嘉願苟未從前心空緬邈清

砌千迴坐冷環再三握煩懷却星星高意還卓卓郊龍沈

劇煮鱗牛喘甚焚角蟬煩鳴轉喝愛音鳥噪饑不啄晝蠅食

案繁宵蚋肌血渥單絺厭已褫長笈霎音倦還捉幸茲得佳

朋於此蔭華桷青熒文簾施淡澈敢音甘瓜濯大壁曠凝淨

古畫竒駁榮淒如狂貢音寒門皓若攢玉璞掃寬延鮮飈汲

冷漬香穉卓音篚實摘林珍盤肴饋禽穀空堂喜淹留貧饌

羞齷齪愈音殷勤相勸勉左右加礮斲賈勇發霜硯爭前曜

冰槲微然草根響先被詩情覺感衰悲舊改工異逞新貌

邈音誰言擯朋老猶自將心學危簷不敢憑朽机懼傾撲青

雲路難近黃鶴足仍鋌士角切未能飲淵泉立滯叫芳葯郊音

渥與子昔睽離嗟余苦屯剝直道敗邪徑拙謀傷巧詠卓音

炎胡度氛氲。熱石行犖砢。音確瘠饑夏尤甚。瘧渴秋更數。君
顏不可覲。君手無由搦。今來沐新恩。庶見返鴻朴。儒庠恣
游息。聖籍飽商擢。危行無低徊。正言免咍喔。車馬獲同驅。
酒醪欣共敕。音朔惟憂棄管音蓊蒯去聲。敢望侍帷幄。此志且何
如。希君爲追音堆琢。愈

秋雨聯句

萬木聲號呼。百川氣交會。郊庭翻樹離合。牖變景明謁。愈
深終叢瀉殊未終。飛浮亦云泰。郊牽懷到空山。屬聽邇驚
瀨。愈簷垂白練直。渠漲清湘大。郊甘津澤祥禾。伏潤肥荒
艾。愈主人吟有歡。客子歌無奈。郊侵陽日沈玄。剝節風搜
兌。愈塊音盛坳音坳遊峽喧。颼颼臥江汰。郊微飄來枕前。高灑

自天外愈蜚音拱穴何迫迤蟬枝掃鳴噦郊援菊茂新芳逕

蘭銷晚謁愈音謁地鏡時昏曉池星競漂沛郊謹尼交切尋

一聲灌注咽羣籟愈儒宮煙火濕市舍煎熬忼郊臥冷空

避門衣寒屢循帶愈水怒已倒流陰繁恐凝害郊憂魚思

舟楫感禹勤愈懷襄信可畏疏決須有賴郊筮命或

馮著卜晴將問蔡愈庭商忽驚舞墉榮音榮亦親酌郊氛醕

稍疎映雲謀蒙二音亂還擁蒼陰旌時摻音鳩流帝鼓鎮音轟訇音轟磕

苦蓋切棗圃落青璣瓜哇爛文貝貧薪不燭竈富粟空填膾

愈秦俗動言利魯儒欲何巧深路倒羸驂弱途擁行軼音大

毛羽皆遭凍離徒不能翺呼外切翻浪洗虛空傾濤敗藏蓋

郊吾人猶在陳僮僕誠自鄙因思征蜀士未免濕戎旆安

得發商飈。廓然吹宿靄。白日懸大野。幽泥化輕塏。音藹戰場
暫一乾。賊肉行可膾。音愈搜心思有效。抽策期稱最。豈惟慮
收穫。亦以救顛沛。音郊禽情初嘯雋。礎色微收霈。庶幾諧我
願。遂止無已太。音愈

征蜀聯句

日王忿違傲。有命事誅拔。蜀險豁關防。秦師縱橫猾。音愈風

旗市地揚雷。鼓轟天殺竹。兵彼皴脆鐵。刃我鎗鐵。音郊刑

神咤擎。音釐旄陰燄。颭音職犀札。翻霓紛偃蹇。塞野瀕。音胡孔

塊北。音愈生倅競掣跌。凝突爭填軋。渴鬪信。厖呶。噉奸何噢

郁喟。音郊更呼相簸蕩。交斫雙缺齮。音五轄火發激。鏑腥血

漂騰足滑。音愈飛猱無整陣。翩鶻有邪戛。江倒沸鯨鯢。山搖

潰

救俱切

徼

郊音

中離分二三

外變迷七八

逆頸盡微索

仇頭恣髡鬣

音

怒鬚猶髻鬢

音

斷臂仍瓢

蒲八切

詬

愈格切

石潛

設奇伏穴覷

音

騁精察中矢

音

類妖慘

音

跳鋒狀驚豹

女滑切

蹋

翻聚林嶺斗起

音

成埃垓

郊音

施亡多空杠

音

軸折鮮聯轄

音

剡

擗

音

膚淡瘡瘕敗面

音

碎剝剝

音

渾奔肆狂勦捷

音

竄脫趨黠岩

鉤踔

鈔音

狙猿水漉雜鱸

音

蝟投奔

音

鬧碁

音

墜填隍

音

威

僞

莫八切

脩

愈呼切

強睛死不閉

音

獷眼困逾眈

莫八切

藝堞煇

木呼切

音壑

又

歆

音

熇

音

扶門呀拗闔

音

天刀封未坼

音

西膽懾前

摠

跽梁排郁縮

音

闖竇揆

二音

窟

竹律切

窾

竹刮切

迫脅聞雜驅

音

咿

呦呌冤跣

郊五切

窮區指清夷

音

兇部坐雕鍛

音

叩文裁斐

音

疊

豔收娼

於八切

媼椎肥牛呼牟

音

載實駝鳴圓

乙韓切

聖靈閔頑

罷。燾養均草蔡。下書遏雄虎。解罪弔。攣瞎愈戰恤時銷洗。

劒霜夜清刮。漢棧罷。置蘭獠音江息澎汜音戍寒絕朝。

乘刀暗歇宵。登始去杏飛蜂。及歸柳嘶蜚音廟獻繁音齒音。

級樂聲洞控。楫音臺圖煥丹玄。郊告儼匏稽音念齒慰。

黥音翼視傷悼。癰疵音休輸任訛寢。報力厚。麩音秬音。

公歡鍾晨撞。室宴絲曉拈音杯孟酬酒醪。箱篋饋巾帨音。

切小臣昧戎經。維用贊勲劼音。

同宿聯句

自從別君來。遠出遭巧譖音斑斑落春淚。浩浩浮秋浸音。

毛竒覩象犀。羽怪見鵬鳩音朝行多危棧。夜臥饒驚枕音。

生榮今分踰。死棄昔情任音鵠行參綺陌。雞唱聞清禁音。

山晴指高標。槐密驚長蔭。

愈

直辭一以薦。巧舌千皆舛。

郊

近匡鼎惟說詩。桓譚不讀讖。

愈

逸韻何嘈嗽。高名俟沽賃。

郊紛葩歡屢填。曠朗憂早滲。

愈

爲君開酒腸。顛倒舞相飲。

郊曦光霽曙物。景曜鑠宵侵。

愈音浸

儒門雖大啓。奸首不敢

闖。義泉雖至近。盜索不敢沁。清琴試一揮。白鶴叫相暗。欲

知心同樂。雙繭抽作絰。

郊

莎柵聯句

冰溪時咽絕。風櫪方軒舉。

愈

此處不斷腸。定知無斷處。

郊

雨中寄孟刑部幾道聯句

秋潦淹轍跡。高居限參拜。

愈

耿耿蓄良思。遙遙仰嘉話。

郊

一晨長隔歲。百步遠殊界。

愈

商聽饒清聳。悶懷空抑噫。

郊音

隘美君知道腴逸步謝天械愈吟馨鑠紛雜抱照瑩疑怪

郊撞宏聲不掉輸邈瀾逾殺愈簷瀉碎江喧街流淺溪邁

郊念初相遭逢幸免因媒介祛煩類決癰愜興劇爬疥研

文較幽玄呼博騁雄快今君軺音遙方馳伊我羽已鍛所拜切

溫存感深惠琢切奉明誠愈迨茲更凝情暫阻若嬰瘵側界切

切欲知相從盡靈珀拾纖芥欲知相益多神藥銷宿僊音敗

德符僊山岸永立難欹壞氣涵秋天河有朗無驚拜郊祥

鳳遺蒿鷄雲韶掩夷靺莫拜切爭名求鵠徒騰口甚蟬喝音愛

未來聲已赫始鼓敵前敗鬪場再鳴先遐路一飛屈東野

繼竒躅脩綸懸衆牿音戒穿空細丘垤照日陋菅蒯愈小生

何足道積慎如觸蠱悵悵抱所諾翼翼自申戒聖書空勘

讀盜食敢求嘜。惟當騎款段。豈望覲珪玠。弱操愧筠杉。微芳比蕭薤。何以驗高明。柔中有剛夬。郊

遠遊聯句

別腸車輪轉。一日一萬周。

郊

離思春冰泮。瀾漫不可收。

愈

馳光忽以迫。飛轡誰能留。

愈

取之詎灼灼。此去信悠悠。

朝楚

客宿江上。夜魂棲浪頭。曉日生遠岸。水芳綴孤舟。村飲泊

好木。野蔬拾新柔。獨含悽悽別。中結鬱鬱愁。人憶舊行樂。

鳥吟新得儔。

郊

靈瑟時宵宵。

靈音

猿夜啾啾。憤濤氣尚盛。

恨竹淚空幽。長懷絕無已。多感良自尤。卽路涉獻歲。歸期

眇涼秋。兩歡日牢落。孤悲坐綢繆。

愈

觀怪忽蕩漾。叩竒獨

冥搜。海鯨吞明月。浪島沒大漚。我有一寸鈎。欲釣千丈流。

良知忽然遠壯志鬱無抽郊魍魅暫出沒蛟螭互蟠縲昌

言拜舜禹舉颿音凌斗牛懷糈音餽賢屈乘桴追聖丘飄

然天外步豈肯區中囚愈楚些蘇个切待誰弔賈辭緘恨投

翳明弗可曉祕魂安所求氣毒放逐域蓼雜芳菲疇當春

忽淒涼不枯亦颼颼貉謠衆猥欵哀音巴語相咿啾默誓去

外俗嘉願還中州江生行既樂躬輦自相勸留音飲醇趣明

代味腥謝荒陬郊馳深鼓利楫趨險驚蜚輶繫石沉靳尚

開弓射鴈即驩路暗執屏翳波驚戮陽侯廣泛信縹眇

高行恣浮游外患蕭蕭去中悵稍稍瘳振衣造雲闕跪坐

陳清猷德風變讒巧仁氣銷戈矛名聲照四海淑問無咎

休歸哉孟夫子歸去無夷猶愈

晚秋鄜城夜會聯句

從軍古云樂談笑青油幕燈明夜觀

音基月暗秋城柝

正封

羈客方寂歷驚鳥時落泊語闌壯氣衰酒醒寒砧作

愈遇

主貴陳力夷凶匪兼弱百牢犒興師千戶購首惡

正封平

生恥論兵末暮不輕諾徒然感恩義誰復論勲爵

愈多士

被沾汚小夷施毒蠱

丑略切

何當鑄劒戟相與歸臺閣

正封

室婦歎鳴鶴家人祝喜鵲終朝考著龜何日親烝祔

愈間

諫使斷津梁潛軍索林薄紅塵羽書靖大水沙囊涸

正封

銘山子所工插羽余何忤未足煩刀俎祇應輸管鑰

愈雨

矢逐天狼電矛驅海若靈誅固無縱力戰誰敢却

正封峨

峨雲梯翔赫赫火箭著連空隳雉堞照夜焚城郭

愈軍門

宣一令廟筭建三略雷鼓揭千槍浮橋交萬筏正封蹂野

馬雲騰映原旗火鑠疲氓墜將拯殘虜狂可縛音昨摧鋒若

羆兕超乘如猱攫音攫逢掖服翻慚漫胡纓可愕正封星殞

聞雉雉師興隨唳鶴虎豹貪犬羊鷹鸇憎鳥雀愈燒陂除

積聚灌壘失依託憑軾諭昏迷執父征暴虐正封倉空戰

卒饑月黑探兵錯兇徒更蹈藉逆族相啗嚼愈軸轡亘淮

泗旆旌連夏鄂大野縱氐羌長河浴騶駱正封東西競角

逐遠近施矰繳人怨童聚謠天殃鬼行瘡愈漢刑支郡黜

周制閑田削侯社退無功鬼薪懲不恪正封余雖司斧鑕

至音情本尚丘壑且待獻俘囚終當返耕穫愈藁街陳鈇鉞

桃塞興錢音剪鑄音博地理畫封疆天文掃寥廓正封天子憫

瘡痍將軍禁鹵掠策勲封龍額歸獸獲麟脚愈詰誅敬王

怒給復福音哀人瘼澤髮解兜牟酖顏傾鑿落正封安存惟

恐晚洗雪不論昨暮鳥已安巢春蠶看滿箔愈聲明動朝

闕光寵耀京洛旁午降絲綸中堅擁鼓鐸正封密坐列珠

翠高門塗粉牘跋朝賀書飛塞路歸鞍躍愈魏闕橫雲漢

秦關束巖嶧音拜迎羅縵韃問遺結囊橐正封江淮永清

晏宇宙重開拓是日號昇平此年名作噩愈洪赦方下究

武飈亦旁魄步角切南據定蠻陬北攫空朔漠正封儒生愜

教化武士猛刺斫吾相兩優游他人雙落莫愈印從負鼎

佩門為登壇鑿再入更顯嚴九遷彌謬正封賓筵盡狐

趙導騎多衛霍國史擅芬芳官娃分綽約愈丹掖列鵷鷺

洪鑪衣狐貉。摛文揮月毫。講劒淬霜鏑。正封命衣備藻火。

賜樂兼拊搏。兩廂鋪璣璣。五鼎調勺藥。愈或音酌略帶垂蒼玉

佩。轡蹙黃金絡。誘接謂登龍。趨馳狀傾藿。正封青娥翳長

袖。紅頰吹鳴籥。儻不忍辛勤。何由恣歡謔。愈惟當早貴富。

豈得暫寂寞。但擲顧笑金。仍祈却老藥。正封歿廟配罇簋。

生堂合馨音鑄音博安行庇松篁。高臥枕莞蒹。愈洗沐恣蘭

芷。割烹厭脾臄。其虐切喜顏非忸怩。達志無隕穫。正封詠諧

酒席展慷慨。戎裝著斬馬。祭旌燾炁。羔禮芒屨。愈音脚山多

離隱豹。野有求伸蠖。推選閱羣材。薦延搜一鶚。正封左右

供諂譽。親交獻諛。名聲載揄揚。權勢實熏灼。愈道舊生

感激。當歌發酬酢。羣孫輕綺紈。下客豐醴酪。正封窮天貢

探異市海賜酺音蒲釀作樂鼓還槌從禽弓始彊愈音廓取歡

移日飲求勝通宵博五白氣爭呼六奇心運度正封恩澤

誠布濩罷頑已簫勺告成上云亭考古垂矩矱愈夏切前堂

清夜吹東第良晨酌池蓮折秋房院竹翻夏籜正封五狩

朝恒岱三畋宿楊柞農書乍討論馬法長懸格愈音各雪下

收新息陽生過京索爾牛時寢訛我僕或歌嘏正封帝載

彌天地臣辭劣螢爝愈音爵爲詩安能詳庶用存糟粕愈

韓文卷之八終

韓文卷之九

律詩

題楚昭王廟

丘墳滿目衣冠盡。城闕連雲草樹荒。猶有國人懷舊德。一
間茅屋祭昭王。

宿龍宮灘

浩浩復湯湯。音商灘聲抑更揚。奔流疑激電。驚浪似浮霜。夢
覺燈生暈。宵殘雨送涼。如何連曉語。一半是思鄉。

叉魚招張功曹

叉魚春岸闊。此興在中宵。大炬然如晝。長船縛似橋。深窺
沙可數。靜撈音謗水無搖。刃下那能脫。波間或自跳。中去聲鱗

憐錦碎。當日訝珠銷。迷火逃翻近。驚人去暫遙。競多心轉
細。得雋語時。囂潭整知存寡。絃音平覺獲饒。交頭疑湊餌。
駢首類同條。濡沫情雖密。登門事已遼。盈車欺故事。飼犬
驗今朝。血浪凝猶沸。腥風遠更飄。蓋江煙幕幕。莫狄切拂棹
影寥寥。懶去愁無食。龍移懼見燒。如棠名既誤。釣渭日徒
消。文客驚先賦。篙工喜盡謠。膾成思我友。觀樂憶吾僚。自
可捐憂累。何須強問鴞。

李員外寄紙筆

題是臨池後。分從起草餘。兔尖針莫並。繭淨雪難如。莫怪
殷勤謝。虞卿正著書。

次同冠峽

今日是何朝。天晴物色饒。落英千尺墮。遊絲白丈飄。泄乳交巖脉。懸流揭浪標。無心思嶺北。猿鳥莫相撩。

答張十一功曹

山淨江空水見沙。哀猿啼處兩三家。篴簫響競長纖纖。笋籜躑閑開豔豔。花未報恩波。知死所。莫令炎瘴送生涯。吟君詩罷看雙鬢。半覺霜毛一半加。

郴州祈雨

乞雨女郎魂。顰羞絜且繁。廟開鼉鼠叫。神降越巫言。旱氣期銷蕩。陰官想駿奔。行看五馬入。蕭颭已隨軒。

湘中酬張十一功曹

休垂絕徼千行淚。共泛清湘一葉舟。今日嶺猿兼越鳥。可

憐同聽不知愁。

郴口又贈二首

山作劍攢江寫鏡。扁舟斗轉疾於飛。回頭笑向張公子。終日思歸此日歸。
雪颭霜翻看不分。雷驚電激語難聞。沿涯宛轉到深處。何限青天無片雲。

題木居士二首

火透波穿不計春。根如頭面榦如身。偶然題作木居士。便有無窮求福人。
爲神詎比溝中斷。遇賞還同爨下餘。朽蠹不勝刀鋸力。匠人雖巧欲何如。

晚泊江口

郡城朝解纜。江岸暮依村。二女竹上淚。孤臣水底魂。雙雙歸鰓燕。一一叫群猿。迴首那聞語。空看別袖翻。

湘中

猿愁魚踊水翻波。自古流傳是汨羅。蘋藻滿盤無處奠。空聞漁父扣舷歌。

別盈上人

山僧愛山出無期。俗士牽俗來何時。祝融峰下一迴首。即是此生長別離。

喜雪獻裴尚書

宿雲寒不卷。春雪墮如簷。騁巧先投隙。潛光半入池。喜深

將策試驚密仰簷窺自下何曾汗增高未覺危此心明可
燭拂面愛還吹妬舞時飄袖欺梅併壓枝地空迷界限砌
滿接高卑浩蕩乾坤合霏微物象移爲祥矜大熟布澤荷
平施已分年華晚猶憐曙色隨氣嚴當酒換灑急聽聽知
照曜臨初日玲瓏滴晚澌聚庭看嶽聳掃路見雲披陣勢
魚麗遠書文鳥篆奇縱歡羅豔點列賀擁熊螭履敝行偏
冷門扃臥更羸悲嘶聞病馬浪走信嬌兒竈靜愁煙絕絲
繁念鬢衰擬鹽吟舊句授簡慕前規捧贈同燕石多慙失
所宜

春雪

看雪乘清旦無人坐獨謠拂花輕尚起落地暖初銷已訝

陵歌扇還來伴舞翬。灑篁璫密節著柳送長條。入鏡鸞窺
沼。行天馬度橋。徧堦憐可掬。滿樹戲成搖。江浪迎濤日。風
毛縱獵朝。弄閑時細轉。爭急忽驚飄。城險疑懸布。砧寒未
擣綃。莫愁陰景促。夜色自相饒。

聞梨花發贈劉師命

桃溪惆悵不能過。紅豔紛紛落地多。聞道郭西千樹雪。欲
將君去醉如何。

春雪間早梅

梅將雪共春。彩豔不相因。逐吹去聲能爭密。排枝巧妬新。誰
令香滿座。獨使淨無塵。芳意饒呈瑞。寒光助照人。玲瓏開
已徧。點綴坐來頻。那是俱疑似。湏知兩逼真。熒煌初亂眼。

浩蕩忽迷神，未許瓊華比。從將玉樹親，先期迎獻歲。更伴
占茲辰，願得長輝映。輕微敢自珍。

早春雪中聞鶯

朝鶯雪裏新，雪樹眼前春。帶澁先迎氣，侵寒已報人。共矜
初聽早，誰貴後聞頻。暫轉那成曲，孤鳴豈及辰。風霜徒自
保，桃李詎相親。寄謝幽棲友，辛勤不爲身。

梨花下贈劉師命

洛陽城外清明節，百花寥落梨花發。今日相逢瘴海頭，共
驚爛漫開正月。

和歸工部送僧約

早知皆是自拘囚，不學因循到白頭。汝旣出家還擾擾，何

人更得死前休。

入關詠馬

歲老豈能克上駟。力微當自慎前程。不知何故翻驤首。牽過關門妄一鳴。

木芙蓉

新開寒露叢。遠比水間紅。豔色寧相妬。嘉名偶自同。採江官渡晚。攀木古祠空。願得勤來看。無令便逐風。

題張十一旅舍三詠

榴花

五月榴花照眼明。枝間時見子初成。可憐此地無車馬。顛倒青苔落絳英。

井

賈誼宅中今始見。葛洪山下昔曾窺。寒泉百尺空看影。正是行人渴死時。

蒲萄

新莖未徧半猶枯。高架支離倒復扶。若欲滿盤堆馬乳。莫辭添竹引龍鬚。

峽石西泉

居然鱗介不能容。石眼環環水一鍾。聞說旱時求得雨。祗疑科斗是蛟龍。

梁國惠康公主挽歌二首

定謚芳聲遠。移封大國新。巽宮尊長女。台室屬良人。河漢

重泉夜梧桐半樹春。龍輜

音非厭切

於涉翟

丁歷切

還輶禁城

塵。

秦地吹簫女。湘波鼓瑟妃。佩蘭初應夢。奔月竟淪輝。夫族迎魂去。宮官會葬歸。從今沁園草。無復更芳菲。

和崔舍人詠月二十韻

三秋端正月。今夜出東溟。對日猶分勢。騰天漸吐靈。未高丞丞遠氣。半上霽孤形。赫奕當躔次。虛徐度杳冥。長河晴散霧。列宿曙分螢。浩蕩英華溢。瀟疎物象泠。池邊臨倒照。簷際送橫經。花樹參差見。皐禽斷續聆。牖光窺寂寞。砧影伴娉婷。幽坐看侵戶。閑吟愛滿庭。輝斜通壁練。彩碎射沙星。清瀌雲間路。空涼水上亭。淨堪分顧兔。細得數飄萍。山翠

相凝綠林煙共暮青。過隅驚桂側。當午覺輪停。屬音思摘
霞錦。追歡聲。縹緲。郡樓何處望。隴笛此時聽。右掖連台座。
重門限禁扃。風臺觀滉漾。冰砌步青熒。獨有虞庠客。無田
拾落糞。

詠雪贈張籍

只見縱橫落。寧知遠近來。飄飄還自弄。歷亂竟誰催。座暖
銷那怪。池清失可猜。坳中初蓋底。垤處遂成堆。慢有先居
後。輕多去却迴。度前鋪瓦隴。發本積牆隈。穿細時雙透。乘
危忽半摧。舞深逢坎井。集早值層臺。砧練終宜擣。階紈未
暇裁。城寒裝睥睨。樹凍裹莓苔。片片勻如翦。紛紛碎若綏。
奴切定非燭鵲鷺。真是屑瓊瑰。緯音徽繡忽觀朝萼。冥茫矚

晚埃當窓恒凜凜。出戶即皚皚。音哀壓野榮芝菌。傾都委貨財。娥嬉華蕩漾。胥怒浪崔嵬。磧迥疑浮地。雲平想輟雷。隨車翻縞帶。逐馬散銀盃。萬屋漫汗平聲合。千株照曜開。松篁遭挫抑。糞壤獲饒培。隔絕門庭遽。擠排陞級纔。豈堪裨嶽鎮。強欲效鹽梅。隱匿瑕疵盡。包羅委瑣該。誤雞宵呃喔。驚雀暗徘徊。浩浩過三暮。悠悠弔九垓。鯨鯢陸死骨。玉石火炎灰。厚慮填溟壑。高愁擻音致斗魁。日輪埋欲側。坤軸壓將頽。岸類長蛇攪。陵猶巨象脰。水官夸傑黠。木氣怯胚胎。著地無由卷。連天不易推。龍魚冷蟄苦。虎豹餓號哀。巧借奢豪便。專繩困約災。威貪陵布被。光肯離金罍。賞玩捐他事。歌謠放我才。狂教詩硨磲。興與酒陪鯉。蘇來切惟子能諳耳。

諸人得語哉。助翳風作黨。勸坐火爲媒。雕刻文刀利。搜求智網恢。莫煩相屬和。傳示及提孩。

酬王二十舍人雪中見寄

三日柴門擁不開。階平庭滿白皚皚。今朝蹋作瓊瑤跡。爲有詩從鳳沼來。

送侯喜

已作龍鍾後時者。懶於街裏蹋塵埃。如今便別長官去。直到新年衙日來。

學諸進士作精衛銜石填海

鳥有償冤者。終年抱寸誠。口銜山石細。心望海波平。渺渺功難見。區區命已輕。人皆譏造次。我獨賞專精。豈計休無

日惟應盡此生。何慙刺客傳。不著報讎名。

奉酬振武胡十二丈大夫

傾朝共羨寵光頻。半歲遷騰作虎臣。戎旆暫停辭社樹。里門先下敬鄉人。橫飛玉盞家山曉。遠蹀金珂塞草春。自笑平王誇膽氣。不離文字鬢毛新。

奉和庫部盧四兄曹長元日朝迴

天仗宵嚴建羽旄。春雲送色曉鷄號。金爐香動螭頭暗。玉佩聲來雉尾高。戎服上趨承北極。儒冠列侍映東曹。太平時節難身遇。郎署何須歎二毛。

寒食直歸遇雨

寒食時看度。春遊事已違。風光連日直。陰雨半朝歸。不見

韓文
卷之六
紅毬上那論綵索飛。惟將新賜火。向曙著朝衣。

送李六協律歸荆南

早日羈遊所。春風送客歸。柳花還漠漠。江燕正飛飛。歌舞知誰在。賓僚逐使非。宋亭池水綠。莫忘蹋芳菲。

題百葉桃花

百葉雙桃晚更紅。窺牕映竹見玲瓏。應知侍史歸天上。故伴僊郎宿禁中。

春雪

新年都未有芳華。二月初驚見草芽。白雪却嫌春色晚。故穿庭樹作飛花。

戲題牡丹

幸自同開俱隱約。何須相倚闥輕盈。陵晨併作新粧面。對客偏含不語情。雙燕無機還拂掠。游蜂多思正經營。長年是事皆拋盡。今日欄邊暫眼明。

盆池五首

老翁真箇似童兒。汲水埋盆作小池。一夜青蛙鳴到曉。恰如方口釣魚時。

莫道盆池作不成。藕梢初種已齊生。從今有雨君須記。來聽蕭蕭打葉聲。

瓦沼晨朝水自清。小蟲無數不知名。忽然分散無蹤影。惟有魚兒作隊行。

泥盆淺小詎成池。夜半青蛙聖得知。一聽暗來將伴侶。不

煩鳴喚鬪雄雌。

池光天影共青青。拍岸纔添水數銚。且待夜深明月去。試看潛泳幾多星。

芍藥

浩態狂香昔未逢。紅燈爍爍綠盤籠。覺來獨對情驚恐。身在僊宮第幾重。

奉和虢州劉給事使君三堂新題二十一詠

虢州刺史宅連冰池竹林。往往爲亭臺島渚。目其處爲三堂。劉兄自給事中出刺此州。在任逾歲。職修人治。州中稱無事。頗復增飾。從子弟而遊其間。又作二十一詩。以詠其事。流行京師。文士爭和之。余與劉善。故亦同作。

新亭

湖上新亭好。公來日出初。水文浮枕簟。瓦影蔭龜魚。

流水

汨汨幾時休。從春復到秋。只言池未滿。池滿強交流。

竹洞

竹洞何年有。公初斫竹開。洞門無鎖鑰。俗客不曾來。

月臺

南館城陰闊。東湖水氣多。直須臺上看。始奈月明何。

渚亭

自有人知處。那無步往蹤。莫教安四壁。面面看芙蓉。

竹溪

萬萬溪流慢梢梢岸條長穿沙碧幹淨落水紫苞香

北湖

聞說遊湖棹尋常到此迴應留醒心處準擬醉時來

花島

蜂蝶去紛紛香風隔岸聞欲知花島處水上下見紅雲

柳溪

柳樹誰人種行行夾岸高莫將條繫纜若處有蟬號

西山

新月迎宵挂晴雲到晚留爲遮西望眼終是懷迴頭

竹迳

無塵從不掃有鳥莫令彈若要添風月應除數百竿

荷池

風雨秋池上。高荷蓋水繁。未諳鳴撼撼。那似卷翻翻。

稻畦

野布畦堪數。枝分水莫尋。魚肥知已秀。鶴沒覺初深。

柳巷

柳巷還飛絮。春餘幾許時。吏人休報事。公作送春詩。

花源

源上花初發。公應日日來。丁寧紅與紫。慎莫一時開。

北樓

郡樓乘曉上。盡日不能迴。晚色將秋至。長風送月來。

鏡潭

非鑄復非鎔。泓澄忽此逢。魚蝦不用避。只是照蛟龍。

孤嶼

朝遊孤嶼南。暮戲孤嶼北。所以孤嶼鳥。與公盡相識。

方橋

非閣復非船。可居兼可過。君欲問方橋。方橋如此作。音佐

梯橋

乍似上青冥。初疑躡菡萏。自無飛僊骨。欲度何由敢。

月池

寒池月下明。新月池邊曲。若不妬清妍。却成相映燭。

遊城南十六首

賽神

白布長衫紫領巾。差科未動是閑人。麥苗含穠桑生葉。共
向田頭樂社神。

題于賓客莊

榆莢車前蓋地皮。薔薇蘸水筍穿籬。馬蹄無入朱門跡。縱
使春歸可得知。

晚春

草樹知春不久歸。百般紅紫鬪芳菲。楊花榆莢無才思。惟
解漫天作雪飛。

落花

已分將身著地飛。那羞踐蹋損光暉。無端又被春風誤。吹
落西家不得歸。

秋樹二首

幾歲生成爲大樹。一朝纏繞困長藤。誰人與脫青羅帔。看吐高花萬萬層。

幸自枝條能樹立。可煩羅蔓作交加。傍人不解尋根本。却道新花勝舊花。

風折花枝

浮豔侵天難就看。清香撲地只遙聞。春風也是多情思。故揀繁枝折贈君。

贈同遊

喚起惺全曙。催歸日未西。無心花裏鳥。更與盡情啼。

贈張十八助教

喜君眸子重清朗。攜手城南歷舊遊。忽見孟生題竹處。相看淚落不能收。

題韋氏莊

昔者誰能比。今來事不同。寂寥青草曲。散漫白榆風。架倒藤全落。籬崩竹半空。寧湏惆悵立。翻覆本無窮。

晚雨

廉纖晚雨不能晴。池岸草間蚯蚓鳴。投竿跨馬蹋歸路。纔到城門打鼓聲。

出城

暫出城門蹋青草。遠於林下見春山。應湏韋杜家家到。祇有今朝一日閑。

把酒

擾擾馳名者。誰能一日閑。我來無伴侶。把酒對南山。

嘲少年

直把春償酒。都將命乞音花。祇知閑信馬。不覺誤隨車。

楸樹

青幢紫蓋立童童。細雨浮煙作綵籠。不得畫師來貌音取。

定知難見一生中。

遣興

斷送一生惟有酒。尋思百計不如閑。莫憂世事兼身事。須著人間比夢間。

韓文卷之九終

韓文卷之十

律詩凡八十首

送李尚書赴襄陽八韻

帝憂南國切。改命付忠良。壤畫星搖動。旗分獸簸揚。五營
兵轉肅。千里地還方。控帶荆門遠。飄浮漢水長。賜書寬屬
郡。戰馬隔鄰疆。縱獵雷霆迅。觀基玉石忙。風流峴首客。花
豔大堤倡。富貴由身致。誰教不自強。

和席八十二韻

絳闕銀河曙。東風右掖春。官隨名共美。花與思俱新。綺陌
朝遊間。綾衾夜直頻。橫門開日月。高閣切星辰。庭變寒前
草。天銷霽後塵。溝聲通苑急。柳色壓城勻。綸綍謀猷盛。丹

青步武親芳菲含斧藻光景暢形神傍砌看紅藥巡池詠
白蘋多情懷酒伴餘事作詩人倚玉難藏拙吹竽久混真
坐慙空自老江海未還身

和武相公早春聞鶯

早晚飛來入錦城誰人教解百般鳴春風紅樹驚眠處似
妬歌童作豔聲

太安池

闕

遊太平公主山莊

公主當年欲占春故將臺榭押城闌欲知前面花多少直
到南山不屬人

晚春

誰收春色將歸去。慢綠妖紅半不存。榆莢祇能隨柳絮。等閑撩亂走空園。

太行皇太后挽歌詞三首

一紀尊名正。三時孝養榮。高居朝聖主。厚德載群生。武帳虛中禁。玄堂掩太平。秋天笳鼓歇。松柏徧山鳴。

威儀備吉凶。文物雜軍容。配地行新祭。因山託故封。鳳飛終不返。劍化會相從。無復臨長樂。空聞報曉鍾。

追攀萬國來。警衛百神陪。畫翣登秋殿。容衣入夜臺。雲隨僊馭遠。風助聖情哀。只有朝陵日。糝奩一暫開。

廣宣上人頻見過

三百六旬長擾擾。不衝風雨即塵埃。夕慙朝士無裨補。空

愧高僧數往來。學道窮年何所得。吟詩竟日未能迴。天寒古寺遊人少。紅葉牕前有幾堆。

閑遊二首

雨後來更好。繞池徧青青。柳花閑度竹。菱葉故穿萍。獨坐殊未厭。孤斟詎能醒。持竿至日暮。幽詠欲誰聽。

茲遊苦不數。再到遂經旬。萍蓋汙池淨。藤籠老樹新。林鳥鳴訝客。岸竹長遮鄰。子雲祇自守。奚事九衢塵。

酬馬侍郎寄酒

一壺情所寄。四句意能多。秋到無詩酒。其如月色何。

和侯協律詠笋

竹亭人不到。新筍滿前軒。乍出真堪賞。初多未覺煩。成行

齊婢僕環立比兒孫。驗長常攜尺。愁乾屢側盆。對吟忘膳
飲。偶坐變朝昏。滯雨膏腴溼。驕陽氣候溫。得時方張王。去並
聲挾勢欲騰騫。見角牛羊沒。看皮虎豹存。攢生猶有隙。散
布忽無垠。詎可持籌筭。誰能以理言。縱橫公占地。羅列暗
連根。狂劇時穿壁。群強幾觸藩。深潛如避逐。遠去若追奔。
始訝妨人路。還驚入藥園。萌芽防寢大。覆載莫偏恩。已復
侵危砌。非徒出短垣。身寧虞瓦礫。計擬拚蘭蓀。且歎高無
數。庸知上幾番。短長終不校。先後竟誰論。外恨苞藏密。中
仍節目繁。暫須迴步履。要取助盤飧。穰穰疑翻地。森森競
塞門。戈矛頭戢戢。蛇虺首掀掀。婦懦咨料音揀兒癡謁盡
髡。侯生來慰我。詩句讀驚魂。屬和才將竭。呻吟至日暾。

過鴻溝

龍疲虎困割川原。億萬蒼生性命存。誰勸君王回馬首。真成一擲賭乾坤。

送張侍郎

司徒東鎮馳書謁丞相。西來走馬迎兩府。元臣今轉密一方。逋寇不難平。

贈刑部馬侍郎

紅旗照海壓南荒。徵入中臺作侍郎。暫從相公平小寇。便歸天闕致時康。

奉和裴相公東征途經女几山下作

旗穿曉日雲霞雜。山倚秋空劒戟明。敢請相公平賊後。暫

攜諸吏上崢嶸。

鄆城晚飲奉贈副使馬侍郎及馮李二員外

城上赤雲呈勝氣。眉間黃色見歸期。幕中無事惟須飲。即是連鑣向闕時。

酬別留後侍郎

爲文無出相如右。謀帥難居郤縠先。歸去雪銷溱洧動。西來旌旆拂晴天。

同李二十八夜次襄城

周楚仍連接。川原乍屈盤。雲垂天不暖。塵漲雪猶乾。印綬歸台室。旌旗別將壇。欲知迎候盛。騎火萬星攢。

同李二十八員外從裴相公野宿西界

四面星辰著地明。散燒煙火宿天兵。不關破賊須歸奏。自
趁新年賀太平。

過襄城

鄆城辭罷過襄城。潁水嵩山刮眼明。已去蔡州三百里。家
人不用遠來迎。

宿神龜招李二十八馮十七

荒山野水照斜暉。啄雪寒鴉趁始飛。夜宿驛亭愁不睡。幸
來相就蓋征衣。

次硤石

數日方離雪。今朝又出山。試憑高處望。隱約見潼關。

和李司勳過連昌宮

夾道踈槐出老根。高甍巨桷壓山原。宮前遺老來相問。今是開元幾葉孫。

次潼關先寄張十二閣老使君

荆山已去華山來。日出潼關四扇開。刺史莫辭迎候遠。相公親破蔡州廻。

次潼關上都統相公

暫辭堂印執兵權。盡管諸軍破賊年。冠蓋相望催入相待。將功德格皇天。

桃林夜賀晉公

西來騎火照山紅。夜宿桃林臘月中。手把命珪兼相印。一時重疊賞元功。

送李員外院長分司東都

去年秋露下，羈旅逐東征。今歲春光動，驅馳別上京。飲中
相顧色，送後獨歸情。兩地無千里，因風數寄聲。

晉公破賊回重拜台司以詩示幕中賓客愈奉和

南伐旋師太華東，天書夜到冊元功。將軍舊壓三司貴，相
國新兼五等崇。鵷鷺欲歸僊仗裏，熊羆還入禁營中。長慙
典午非材職，得就閑官即至公。

獨釣四首

侯家林館勝，偶入得垂竿。曲樹行藤角，平池散芡盤。羽沈
知食駛，緡細覺牽難。聊取夸兒女，榆條繫從鞍。

一逕向池斜，池塘野草花。雨多添柳耳，水長減蒲芽。坐厭

親刑柄偷來傍釣車。太平公事少。吏隱詎相賒。
獨往南塘上。秋晨景氣醒。露排四岸草。風約半池萍。鳥下
見人寂。魚來聞餌聲。所嗟無可召。不得倒吾甌。
秋半百物變。溪魚去不來。風能坼芡觜。露亦染梨顚。遠岫
重疊出。寒花散亂開。所期終莫至。日暮與誰廻。

枯樹

老樹無枝葉。風霜不復侵。腹穿人可過。皮剝蟻還尋。寄託
惟朝菌。依投絕暮禽。猶堪持改火。未肯但空心。

元日酬蔡州馬十二尚書去年蔡州元日見寄之什
元日新詩已去年。蔡州遙寄荷相憐。今朝縱有誰人領。自
是三峰不敢眠。

詠燈花同侯十一

今夕知何夕。花然錦帳中。自能當雪暖。那肯待春紅。黃裏排金粟。釵頭綴玉蟲。更煩將喜事。來報主人公。

祖席 前字

祖席洛橋邊。親交共黯然。野晴山簇簇。霜曉菊鮮鮮。書寄相思處。盃銜欲別前。淮陽知不薄。終願早迴船。

秋字

淮南悲木落。而我亦傷秋。況與故人別。那堪羈宦愁。榮華今異路。風雨苦同憂。莫以宜春遠。江山多勝遊。

送鄭尚書赴南海

番音潘禺音愚軍府盛。欲說暫停盃。蓋海旂幢出。連天觀閣開。

衙時龍戶集。上日馬人來。風靜鷓鴣去。官廉蚌蛤迴。貨通
師子國。樂奏武王臺。事事皆殊異。無嫌屈大才。

答道士寄樹雞

軟濕青黃狀可猜。欲烹還喚木盤迴。煩君自入華陽洞。直
割乖龍左耳來。

左遷至藍關示姪孫湘

一封朝奏九重天。夕貶潮州路八千。欲爲聖明除弊事。肯
將衰朽惜殘年。雲橫秦嶺家何在。雪擁藍關馬不前。知汝
遠來應有意。好收吾骨瘴江邊。

武關西逢配流吐蕃

嗟爾戎人莫慘然。湖南地近保生全。我今罪重無歸望。直

去長安路八千。

次鄧州界

潮陽南去倍長沙。戀闕那堪又憶家。心訝愁來惟貯火。眼知別後自添花。商顏暮雪逢人少。鄧鄙春泥見驛賒。早晚王師收海嶽。普將雷雨發萌芽。

題臨瀧寺

不覺離家已五千。仍將衰病入瀧船。潮陽未到吾能說。海氣昏昏水拍天。

晚次宣溪辱韶州張端公使君惠書叙別酬以絕句

二章

韶州南去接宣溪。雲水蒼茫日向西。客淚數行元自落。鷗

鵠休傍耳邊啼。

兼金那足比清文。百首相隨愧使君。俱是嶺南巡管內。莫欺荒僻斷知聞。

題秀禪師房

橋夾水松行百步。竹牀莞席到僧家。暫拳一手支頭臥。還把魚竿下釣沙。

將至韶州先寄張端公使君借圖經

曲江山水聞來久。恐不知名訪倍難。願借圖經將入界。每逢佳處便開看。

過始興江口感懷

憶作兒童隨伯氏。南來今只一身存。目前百口還相逐。舊

事無人可共論。

韶州留別張端公使君

來往再逢梅柳新。別離一醉綺羅春。欽江總文才妙。自
歎虞翻骨相屯。鳴笛急吹爭落日。清歌緩送款行人。已知
奏課當徵拜。那復淹留詠白蘋。

量移袁州張韶州端公以詩相賀因酬之

明時遠逐事何如。遇赦移官罪未除。北望詎令隨塞鴈。南
遷纔免葬江魚。將經貴郡煩留客。先惠高文謝起予。暫欲
繫船韶石下。上賓虞舜整冠裾。

次石頭驛寄江西王十中丞閣老

憑高試迴首。一望豫章城。人由戀德泣。馬亦別群鳴。寒日

夕始照風江遠漸平默然都不語應識此時情

遊西林寺題蕭二兄郎中舊堂

中郎有女能傳業伯道無兒可保家
偶到匡山曾住處幾行衰淚落煙霞

自袁州還京行次安陸先寄隨州周員外

行行指漢東暫喜笑言同
雨雪離江上蕪葭出夢中
面猶含瘡色眼已見華風
歲暮難相值酣歌未可終

題廣昌館

白水龍飛已幾春
偶逢遺跡問耕人
丘墳發掘當官路何處南陽有近親

寄隨州周員外

陸孟丘楊父作塵。同時存者更誰人。金丹別後知傳得。乞取刀圭救病身。

酒中留上襄陽李相公

濁水汙泥清路塵。還曾同制掌絲綸。眼穿長訝雙魚斷。耳熱何辭數爵頻。銀燭未銷牕送曙。金釵半醉座添春。知公不久歸鈞軸。應許閑官寄病身。

去歲自刑部侍郎以罪貶潮州刺史。乘驛赴任。其後家亦譴逐。小女道死。殯之層峰驛旁山下。蒙恩還朝。過其墓。留題驛梁。

數條藤束木皮棺。草殯荒山白骨寒。驚恐入心身已病。扶舁音余沿路衆知難。繞墳不暇號三市。設祭惟聞飯一盤。致

汝無辜由我罪百年慙痛淚闌干

賀張十八秘書得裴司空馬

司空遠寄養初成毛色桃花眼鏡明
落日已曾交轡語春風還擬並鞍行
長令奴僕知饑渴須着賢良待性情
旦夕公歸伸拜謝免勞騎去逐雙旌

杏園送張徹侍御歸使

東風花樹下送爾出京城
久抱傷春意新添惜別情
歸來身已病相見眼還明
更遣將詩酒誰家逐後生

雨中寄張博士籍侯主簿喜

放朝還不報半路蹋泥歸
雨慣曾無節雷頻自失威
見牆生菌徧憂麥作蛾飛
歲晚偏蕭索誰當救晉饑

奉和兵部張侍郎酬鄆州馬尚書祇召途中見寄開

緘之日馬帥已再領鄆州之作

來朝當路日承詔改轍時再領湏句

音劬

國仍遷少昊司暖

風抽宿麥清雨卷歸旗賴寄新珠玉長吟慰我思

早春與張十八博士籍遊楊尚書林亭寄第三閣老

兼呈白馮二閣老

牆下春渠入禁溝渠冰初破滿渠浮鳳池近日長先暖流
到池時更不流

奉使常山早次太原呈副使吳郎中

朗朗聞街鼓晨起似朝時翻翻走驛馬春盡是歸期地失
嘉禾處風存蟋蟀辭暮齒良多感無事涕垂頤

夕次壽陽驛題吳郎中詩後

風光欲動別長安。春半邊城特地寒。不見園花兼巷柳。馬頭惟有月團團。

鎮州初歸

別來楊柳街頭樹。擺弄春風只欲飛。還有小園桃李在。留花不發待郎歸。

同水部張員外曲江春遊寄白二十二舍人

漠漠輕陰晚自開。青天白日映樓臺。曲江水滿花千樹。有底忙時不肯來。

和水部張員外宣政衙賜百官櫻桃詩

漢家舊種明光殿。炎帝還書本草經。豈似滿朝承雨露。共

看傳賜出青冥。香隨翠籠擎初到。色映銀盤寫未停。食罷
自知無所報。空然慙汗仰皇局。

早春呈水部張十八員外二首

天街小雨潤如酥。草色遙看近却無。最是
一年春好處。絕勝煙柳滿皇都。

莫道官忙身老大。即無年少逐春心。憑君
先到江頭看。柳色如今深未深。

送桂州嚴大夫

蒼蒼森八桂。茲地在湘南。江作青羅帶。山如碧玉簪。同戶
多輸翠羽家。自種黃甘。遠勝登僊去。飛鸞不假驂。

奉酬天平馬十二僕射暇日言懷見寄之作

天平篇什外。政事亦無雙。威令加徐土。儒風被魯邦。清爲公論重。寬得士心降。歲晏偏相憶。長謠坐北牕。

奉使鎮州行次承天行營奉酬裴司空

竄逐三年海上歸。逢公復此著征衣。旋吟佳句還鞭馬。恨不身先去鳥飛。

鎮州路上謹酬裴司空相公重見寄

銜命山東撫亂師。日馳三百自嫌遲。風霜滿面無人識。何處如今更有詩。

奉和僕射裴相公感恩言志

文武成功後。居爲百辟師。林園窮勝事。鍾鼓樂清時。擺落遺高論。雕鐫出小詩。自然無不可。范蠡爾其誰。

和僕射相公朝廻見寄

盡瘁年將乂公今始暫閑事隨憂共減詩與酒俱還放意
機衡外收身矢石間秋臺風日迴正好看前山

奉和李相公題蕭家林亭

山公自是林園主歎惜前賢造作時岩洞幽深門盡鎖不
因丞相幾人知

奉和杜相公太清宮紀事陳誠上李相公十六韻

耒耜興姬國輔丑倫切標建夏家在功誠可尚於道詎爲華
象帝威容大僊宗寶曆賒衛門羅戟槩圖壁雜龍蛇禮樂
追尊盛乾坤降福遐四直皆齒列二聖亦肩差陽月時之
首陰泉氣未牙殿階鋪水碧庭炬坼金葩紫極觀忘倦青

詞奏不譁。增音錚。宏音宏宮夜闕。嘈才曷切。嘯才曷切。鼓晨樞陟瓜切。藝味
陳奚取名。香薦孔嘉。垂祥紛可錄。俾壽浩無涯。貴相山瞻
峻。清文玉絕瑕。代工聲問遠。攝事敬恭加。皎潔當天月。歲
甦捧日霞。唱妍酬亦麗。俛仰但稱嗟。

韓文卷之十終

韓文卷之十一

雜著

原道

博愛之謂仁。行而宜之之謂義。由是而之之謂道。足乎已。無待於外之謂德。仁與義爲定名。道與德爲虛位。故道有君子小人。而德有凶有吉。老子之小仁義。非毀之也。其見者小也。坐井而觀天。曰天小者。非天小也。彼以煦煦爲仁。孑孑爲義。其小之也則宜。其所謂道。道其所道。非吾所謂道也。其所謂德。德其所德。非吾所謂德也。凡吾所謂道。德云者。合仁與義言之也。天下之公言也。老子之所謂道。德云者。去仁與義言之也。一人之私言也。周道衰。孔子沒。

火于秦黃老于漢佛于晉魏梁隋之間其言道德仁義者
不入于楊則入于墨不入于老則入于佛入于彼必出于
此入者主之出者奴之入者附之出者汙之噫後之人其
欲聞仁義道德之說孰從而聽之老者曰孔子吾師之弟
子也佛者曰孔子吾師之弟子也爲孔子者習聞其說樂
其誕而自小也亦曰吾師亦嘗云爾不惟舉之於其口而
又筆之於其書噫後之人雖欲聞仁義道德之說其孰從
而求之甚矣人之好怪也不求其端不訊其末惟怪之欲
聞古之爲民者四今之爲民者六古之教者處其一今之
教者處其三農之家一而食粟之家六工之家一而用器
之家六賈之家一而資焉之家六奈之何民不窮且盜也

古之時人之害多矣有聖人者立然後教之以相生養之道爲之君爲之師驅其蟲蛇禽獸而處之中土寒然後爲之衣饑然後爲之食木處而顛土處而病也然後爲之宮室爲之工以贍其器用爲之賈以通其有無爲之醫藥以濟其夭死爲之葬埋祭祀以長其恩愛爲之禮以次其先後爲之樂以宣其湮鬱爲之政以率其怠勸爲之刑以鋤其強梗相欺也爲之符璽斗斛權衡以信之相奪也爲之城郭甲兵以守之害至而爲之備患生而爲之防今其言曰聖人不死大盜不止剖斗折衡而民不爭嗚呼其亦不思而已矣如古之無聖人人之類滅久矣何也無羽毛鱗介以居寒熱也無爪牙以爭食也是故君者出令者也臣

者行君之令而致之民者也。民者出粟米麻絲作器皿通貨財以事其上者也。君不出令則失其所以爲君。臣不行君之令而致之民民不出粟米麻絲作器皿通貨財以事其上則誅。今其法曰必棄而君臣去而父子禁而相生養之道以求其所謂清淨寂滅者。嗚呼其亦幸而出於三代之後不見黜於禹湯文武周公孔子也。其亦不幸而不出於三代之前不見正於禹湯文武周公孔子也。帝之與王其號名殊其所以爲聖一也。夏葛而冬裘渴飲而饑食其事殊其所以爲智一也。今其言曰曷不爲太古之無事是亦責冬之裘者曰曷不爲葛之之易也責饑之食者曰曷不爲飲之之易也。傳曰古之欲明明德於天下者先治其

國欲治其國者先齊其家欲齊其家者先脩其身欲脩其身者先正其心欲正其心者先誠其意然則古之所謂正心而誠意者將以有爲也今也欲治其心而外天下國家滅其天常子焉而不父其父臣焉而不君其君民焉而不事其事孔子之作春秋也諸侯用夷禮則夷之進於中國則中國之經曰夷狄之有君不如諸夏之亡詩曰戎狄是膺荆舒是懲今也舉夷狄之法而加之先王之教之上幾何其不胥而爲夷也夫所謂先王之教者何也博愛之謂仁行而宜之之謂義由是而之焉之謂道足乎已無待於外之謂德其文詩書易春秋其法禮樂刑政其民士農工賈其位君臣父子師友賓主昆弟夫婦其服麻絲其居宮

室其食粟米果蔬魚肉其爲道易明而其爲教易行也是故以之爲已則順而祥以之爲人則愛而公以之爲心則和而平以之爲天下國家無所處而不當是故生則得其情死則盡其常郊焉而天神假廟焉而人鬼饗曰斯道也何道也曰斯吾所謂道也非向所謂老與佛之道也堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟軻軻之死不得其傳焉荀與揚也擇焉而不精語焉而不詳由周公而上上而爲君故其事行由周公而下下而爲臣故其說長然則如之何而可也曰不塞不流不止不行人其人火其書廬其居明先王之道以道之鰥寡孤獨廢疾者有養也其

亦庶乎其可也。

原性

性也者與生俱生也。情也者接於物而生也。性之品有三。而其所以爲性者五。情之品有三。而其所以爲情者七。曰何也。曰性之品有上中下三。上焉者善焉而已矣。中焉者可導而上下也。下焉者惡焉而已矣。其所以爲性者五。曰仁。曰禮。曰信。曰義。曰智。上焉者之於五也。主於一而行於四。中焉者之於五也。一不少有焉。則少反焉。其於四也。混下焉者之於五也。反於一而悖於四。性之於情。視其品。情之品有上中下三。其所以爲情者七。曰喜。曰怒。曰哀。曰懼。曰愛。曰惡。曰欲。上焉者之於七也。動而處其中。中焉者之

於七也。有所甚，有所亡，然而求合其中者也。下焉者之於七也，亡與甚，直情而行者也。情之於性，視其品。孟子之言性曰：人之性善。荀子之言性曰：人之性惡。揚子之言性曰：人之性善惡混。夫始善而進惡，與始惡而進善，與始也混而今也善惡，皆舉其中而遺其上下者也。得其一而失其二者也。叔魚之生也，其母視之，知其必以賄死。楊食我之生也，叔向之母聞其號平聲也，知必滅其宗。越椒之生也，子文以爲大戚，知若敖氏之鬼不食也。人之性果善乎？后稷之生也，其母無災，其始匍匐也，則岐岐然，嶷嶷魚力切然。文王之在母也，母不憂；既生也，傅不勤；既學也，師不煩。人之性果惡乎？堯之朱，舜之均，文王之管蔡，習非不善也，而卒

爲姦瞽叟之舜。鯀之禹。習非不惡也。而卒爲聖人之性善。惡果混乎。故曰。三子之言性也。舉其中。而遺其上下者也。得其一。而失其二者也。曰。然則性之上下者。其終不可移乎。曰。上之性。就學而愈明。下之性。畏威而寡罪。是故上者可教而下者可制也。其品則孔子謂不移也。曰。今之言性者。異於此何也。曰。今之言者。雜佛老而言也。雜佛老而言也者。奚言而不異。

原毀

古之君子。其責已也重。以周。其待人也輕。以約。重以周。故不怠。輕以約。故人樂爲善。聞古之人有舜者。其爲人也仁義人也。求其所以爲舜者。責於已曰。彼人也。予人也。彼能

是而我乃不能是。早夜以思去其不如舜者。就其如舜者。聞古之人有周公者。其爲人也。多才與藝人也。求其所以爲周公者。責於已曰。彼人也。予人也。彼能是。而我乃不能是。早夜以思去其不如周公者。就其如周公者。舜大聖人也。後世無及焉。周公大聖人也。後世無及焉。是人也。乃曰。不如舜。不如周公。吾之病也。是不亦責於身者重以周乎。其於人也曰。彼人也。能有是。是足爲良人矣。能善是。是足爲藝人矣。取其一。不責其二。卽其新。不究其舊。恐恐然惟懼其人之不得爲善之利。一善易修也。一藝易能也。其於人也。乃曰。能有是。是亦足矣。曰。能善是。是亦足矣。不亦待於人者輕以約乎。今之君子則不然。其責人也詳。其待已

也廉詳故人難於爲善廉故自取也少已未有善曰我善是是亦足矣已未有能曰我能是是亦足矣外以欺於人內以欺於心未少有得而止矣不亦待其身者已廉乎其於人也曰彼雖能是其人不足稱也彼雖善是其用不足稱也舉其一不計其十究其舊不圖其新恐恐然惟懼其人之有聞也是不亦責於人者已詳乎夫是之謂不以衆人待其身而以聖人望於人吾未見其尊已也雖然爲是者有本有原怠與忌之謂也怠者不能修而忌者畏人修吾常試之矣嘗試語於衆曰某良士某良士其應者必其人之與也不然則其所踈遠不與同其利者也不然則其畏也不若是強者必怒於言懦者必怒於色矣又嘗語於

車
衆曰其非良士其非良士其不應者必其人之與也不然則其所踈遠不與同其利者也不然則其畏也不若是強者必說於言懦者必說於色矣是故事修而謗興德高而毀來嗚呼士之處此世而望名譽之光道德之行難已將有作於上者得吾說而存之其國家可幾而理歟

原人

形於上者謂之天形於下者謂之地命於其兩間者謂之人形於上日月星辰皆天也形於下草木山川皆地也命於其兩間夷狄禽獸皆人也曰然則吾謂禽獸人可乎曰非也指山而問焉曰山乎曰山可也山有草木禽獸皆舉之矣指山之一草而問焉曰山乎曰山則不可故天道亂

而日月星辰不得其行。地道亂而草木山川不得其平。人道亂而夷狄禽獸不得其情。天者日月星辰之主也。地者草木山川之主也。人者夷狄禽獸之主也。主而暴之不得其爲主之道矣。是故聖人一視而同仁。篤近而舉遠。

原鬼

有嘯於梁。從而燭之。無見也。斯鬼乎。曰非也。鬼無聲。有立於堂。從而視之。無見也。斯鬼乎。曰非也。鬼無形。有觸吾躬。從而執之。無得也。斯鬼乎。曰非也。鬼無聲與形。安有氣。曰鬼無聲也。無形也。無氣也。果無鬼乎。曰有形而無聲者。物有之矣。土石是也。有聲而無形者。物有之矣。風霆是也。有聲與形者。物有之矣。人獸是也。無聲與形者。物有之矣。鬼

神是也。曰：然則有怪而與民物接者何也？曰：是有二。有鬼有物。漠然無形與聲者，鬼之常也。民有忤於天，有違於民，有爽於物，逆於倫而感於氣，於是乎鬼有托於形，有憑於聲以應之，而下殃禍焉，皆民之爲之也。其旣也，又反乎其常。曰：何謂物？曰：成於形與聲者，土石風霆人獸是也。反乎無聲與形者，鬼神是也。不能有形與聲，不能無形與聲者，物怪是也。故其作而接於民也，無恒，故有動於民而爲禍，亦有動於民而爲福，亦有動於民而莫之爲禍福，適丁民之有是時也，作原鬼。

行難

或問行孰難？曰：捨我之矜，從爾之稱，孰能之？曰：陸先生參。

何如曰先生之賢聞天下是是非非貞元中自越州徵拜祠部員外郎京師之人日造焉閉門而拒之滿街愈嘗往間客席先生矜語其客曰某胥也某商也其生某任之其死某誅之某與某可人也任與誅也非罪歟皆曰然愈曰某之胥某之商其得任與誅也有由乎抑有罪不足任而誅之邪先生曰否吾惡其初不然任與誅也何尤愈曰苟如是先生之言過矣昔者管敬子取盜二人爲大夫於公趙文子舉管庫之士七十有餘家夫惡求其初先生曰不然彼之取者賢也愈曰先生之所謂賢者大賢歟抑賢於人之賢歟齊也晉也且有二與七十而可謂今之天下無其人邪先生之選人也已詳先生曰然愈曰聖人不世

出賢人不時出千百歲之間倘有焉不幸而有出於胥商之族者先生之說傳吾不忍赤子之不得乳於其母也先生曰然他日又往坐焉先生曰今之用人也不詳位乎朝者吾取某與某而已在下者多于朝凡吾與者若干人愈曰先生之與者盡於此乎其皆賢乎抑猶有舉其多而缺其少乎先生曰固然吾敢求其全愈曰由宰相至百執事凡幾位由一方至一州凡幾位先生之得者無乃不足充其位邪不早圖之一朝而舉焉今雖詳其後用也必麤先生曰然子之言孟軻不如

對禹問

或問曰堯舜傳諸賢禹傳諸子信乎曰然然則禹之賢不

及於堯與舜也歟曰不然堯舜之傳賢也欲天下之得其
所也禹之傳子也憂後世爭之之亂也堯舜之利民也大
禹之慮民也深曰然則堯舜何以不憂後世曰舜如堯堯
傳之禹如舜舜傳之得其人而傳之堯舜也無其人慮其
患而不傳者禹也舜不能以傳禹堯爲不知人禹不能以
傳子舜爲不知人堯以傳舜爲憂後世禹以傳子爲慮後
世曰禹之慮也則深矣傳之子而當不淑則奈何曰時益
以難理傳之人則爭未前定也傳之子則不爭前定也前
定雖不當賢猶可以守法不前定而不遇賢則爭且亂天
之生大聖也不數其生大惡也亦不數傳諸人得大聖然
後人莫敢爭傳諸子得大惡然後人受其亂禹之後四百

年然後得桀亦四百年然後得湯與伊尹湯與伊尹不可待而傳也與其傳不得聖人而爭且亂孰若傳諸子雖不得賢猶可守法曰孟子之所謂天與賢則與賢天與子則與子者何也曰孟子之心以爲聖人不苟私於其子以害天下求其說而不得從而爲之辭

雜說四首

龍噓氣成雲雲固弗靈於龍也然龍乘是氣茫洋窮乎玄閒薄日月伏光景感震電神變化水下土汨陵谷雲亦靈怪矣哉雲龍之所能使爲靈也若龍之靈則非雲之所能使爲靈也然龍弗得雲無以神其靈矣失其所憑依信不可歟異哉其所憑依乃其所自爲也易曰雲從龍旣曰龍

雲從之矣。

善醫者不視人之瘠肥。察其脉之病否而已矣。善計天下者不視天下之安危。察其紀綱之理亂而已矣。天下者人也。安危者肥瘠也。紀綱者脉也。脉不病雖瘠不害。脉病而肥者死矣。通於此說者其知所以爲天下乎。夏殷周之衰也。諸侯作而戰伐日行矣。傳數十三而天下不傾者。紀綱存焉耳。秦之王天下也。無分勢於諸侯。聚兵而焚之。傳二世而天下傾者。紀綱亡焉耳。是故四支雖無故不足恃也。脉而已矣。四海雖無事不足矜也。紀綱而已矣。憂其所可恃。懼其所可矜。善醫善計者謂之天扶與之。易曰。視履考祥。善醫善計者爲之。

談生之爲崔山君傳稱鶴言者豈不怪哉然吾觀於人其能盡吾性而不類於禽獸異物者希矣將憤世嫉邪長往而不來者之所爲乎昔之聖者其首有若牛者其形有若蛇者其喙有若鳥者其貌有若蒙俱者彼皆貌似而心不同焉可謂之非人邪卽有平脅曼膚顏如渥丹美而狠者貌則人其心則禽獸又惡可謂之人邪然則觀貌之是非不若論其心與其行事之可否爲不失也怪神之事孔子之徒不言余將特取其憤世嫉邪而作之故題之云爾

世有伯樂然後有千里馬千里馬常有而伯樂不常有故雖有名馬祇辱於奴隸人之手駢死於槽櫪之間不以千里稱也馬之千里者一食或盡粟一石食馬者不知其能

千里而食也是馬也。雖有千里之能，食不飽，力不足，才美不外見。且欲與常馬等，不可得。安求其能千里也？策之不能其道，食之不能盡其材，鳴之而不能通其意，執策而臨之，曰：「天下無馬。」嗚呼！其真無馬邪？其真不知馬也。

讀荀

始吾讀孟軻書，然後知孔子之道尊。聖人之道易行，王易王，霸易霸也。以爲孔子之徒沒尊聖人者，孟氏而已。晚得揚雄書，益尊信孟氏。因雄書而孟氏益尊，則雄者亦聖人之徒歟？聖人之道不傳于世，周之衰，好事者各以其說于時，君紛紛籍籍相亂，六經與百家之說錯雜。然老師大儒猶在，火于秦，黃老于漢，其存而醇者，孟軻氏而止耳。楊雄

氏而止耳。及得荀氏書，於是又知有荀氏者也。考其辭，時若不粹，要其歸與孔子異者鮮矣。抑猶在軻雄之間乎？孔子刪詩書，筆削春秋，合於道者著之，離於道者黜去之。故詩書春秋無疵。余欲削荀氏之不合者，附于聖人之籍，亦孔子之志歟？孟氏醇乎醇者也。荀與楊大醇而小疵。

讀鵠冠子

鵠音曷冠子十有九篇，其詞雜黃老刑名，其博選篇四稽五至之說當矣。使其人遇時，援其道而施於國家，功德豈少哉？學問篇稱賤生於無所用，中流失船一壺千金者，余三讀其辭而悲之。文字脫謬爲之正三十有五字，乙者三，滅者二十有二，注者十有二字云。

讀儀禮

余嘗苦儀禮難讀。又其行于今者。蓋寡。公襲不同。復之無由。考于今。誠無所用之。然文王周公之法。制粗在於是。孔子曰。吾從周。謂其文章之盛也。古書之存者。希矣。百氏雜家。尚有可取。況聖人之制度邪。於是掇其大要。竒辭奧旨。著于篇。學者可觀焉。惜乎吾不及其時。進退揖讓于其間。嗚呼。盛哉。

讀墨子

儒譏墨。以上同兼愛。上賢明鬼。而孔子畏大人。居是邦。不非其大夫。春秋譏專臣。不上同哉。孔子泛愛親仁。以博施濟衆爲聖。不兼愛哉。孔子賢賢。以四科進。褒弟子。疾殘世。

而名不稱不上賢哉孔子祭如在譏祭如不祭者曰我祭則受福不明鬼哉儒墨同是堯舜同非桀紂同修身正心以治天下國家奚不相悅如是哉余以爲辯生於末學各務售其師之說非二師之道本然也孔子必用墨子墨子必用孔子不相用不足爲孔墨

韓文卷之十一終

韓文卷之十二

雜著

獲麟解

麟之爲靈昭昭也。詠於詩。書於春秋。雜出於傳記。百家之書。雖婦人小子皆知其爲祥也。然麟之爲物。不畜於家。不恒有於天下。其爲形也不類。非若馬牛犬豕豺狼麋鹿然。然則雖有麟。不可知其爲麟也。角者吾知其爲牛。鬣者吾知其爲馬。犬豕豺狼麋鹿。吾知其爲犬豕豺狼麋鹿。惟麟不可知。不可知則其謂之不祥也亦宜。雖然。麟之出必有不聖人在乎位。麟爲聖人出也。聖人者必知麟。麟之果不爲不祥也。又曰。麟之所以爲麟者。以德不以形。若麟之出

不待聖人則謂之不祥也亦宜。

師說

古之學者必有師。師者所以傳道授業解惑也。人非生而知之者。孰能無惑。惑而不從師。其爲惑也終不解矣。生乎吾前。其聞道也固先乎吾。吾從而師之。生乎吾後。其聞道也亦先乎吾。吾從而師之。吾師道也。夫庸知其年之先後生於吾乎。是故無貴無賤。無長無少。道之所存。師之所存也。嗟乎。師道之不傳也久矣。欲人之無惑也難矣。古之聖人其出人也遠矣。猶且從師而問焉。今之衆人其下聖人也亦遠矣。而耻學於師。是故聖益聖。愚益愚。聖人之所以爲聖。愚人之所以爲愚。其皆出於此乎。愛其子。擇師而教。

之於其身也則耻師焉惑矣彼童子之師授之書而習其
句讀音豆者非吾所謂傳其道解其惑者也句讀之不知惑
之不解或師焉或不焉小學而大遺吾未見其明也巫醫
樂師百工之人不耻相師士大夫之族曰師曰弟子云者
則群聚而笑之問之則曰彼與彼年相若也道相似也位
卑則足羞官盛則近諛嗚呼師道之不復可知矣巫醫樂
師百工之人君子不齒今其智乃反不能及其可怪也歟
聖人無常師孔子師郯子萇弘師襄老聃郯子之徒其賢
不及孔子孔子三人行則必有我師是故弟子不必不如
師師不必賢於弟子聞道有先後術業有專攻如是而已
李氏子蟠年十七好古文六藝經傳皆通習之不拘於時

學於余。余嘉其能行古道。作師說以貽之。

進學解

國子先生晨入大學。招諸生立館下。誨之曰。業精于勤。荒于嬉。行成于思。毀于隨。方今聖賢相逢。治具畢張。拔去兇邪。登崇峻良。占小善者率以錄。名一藝者無不庸。爬羅剔抉。刮垢磨光。蓋有幸而獲選。孰云多而不揚。諸生業患不能精。無患有司之不明。行患不能成。無患有司之不公。言未既有。笑于列者曰。先生欺余哉。弟子事先生。于茲有年矣。先生口不絕吟。於六藝之文。手不停披。於百家之編。記事者必提其要。纂言者必鉤其玄。貪多務得。細大不捐。焚膏油以繼晷。恒兀兀以窮年。先生之業。可謂勤矣。舐排異

端攘斥佛老補苴罅漏張皇幽眇尋墜緒之茫茫獨旁搜
而遠紹障百川而東之廻狂瀾於旣倒先生之於儒可謂
有勞矣沈浸醲郁含英咀華作爲文章其書滿家上規姚
姒渾渾無涯周誥殷盤佶屈聱牙春秋謹嚴左氏浮誇易
竒而法詩正而葩下逮莊騷太史所錄子雲相如同工異
曲先生之於文可謂閱其中而肆其外矣少始知學勇於
敢爲長通於方左右具宜先生之於爲人可謂成矣然而
公不見信於人私不見助於友跋前躓音致後動輒得咎暫
爲御史遂竄南夷三年博士冗不見治平聲命與仇謀取敗
幾時冬暖而兒號寒年豐而妻啼饑頭童齒豁竟死何裨
不知慮此而反教人爲先生曰吁子來前夫大木爲杗音盲

細木爲桷

音薄

欂櫨

音盧

侏儒

椳

音隈

闌

魚列切

居

徒點切

楔

音屑

各得

其宜施以成室者。匠氏之工也。玉札丹砂。赤箭青芝。牛溲馬勃。敗鼓之皮。俱收並蓄。待用無遺者。醫師之良也。登明選公。雜進巧拙。紆餘爲妍。卓犖爲傑。校短量長。惟器是適者。宰相之方也。昔者孟軻好辯。孔道以明。轍環天下。卒老于行。荀卿守正。大論是弘。逃讒于楚。廢死蘭陵。是二儒者。吐辭爲經。舉足爲法。絕類離倫。優入聖域。其遇於世何如也。今先生學雖勤。而不繇其統。言雖多。而不要其中。文雖奇。而不濟於用。行雖修。而不顯於衆。猶且月費俸錢。歲靡廩粟。子不知耕。婦不知織。乘馬從徒。安坐而食。踵常途之促促。窺陳編以盜竊。然而聖主不加誅。宰臣不見斥。茲非

其幸歟。動而得謗。名亦隨之。投閑置散。乃分之宜。若夫商財賄之有亡。計班資之崇庳。音卑忘已量之所稱。去聲指前人之瑕疵。是所謂詰匠氏之不以杙。音弋爲楹。而訾醫師以昌陽引年。欲進其希。音希苓也。

本政

周之政文。旣其弊也。後世不知其承大敷古先。遂一時之術。以明示民。民始惑教。百氏之說。以興其言。曰天下可爲也。彼之政仁矣。反於誼。此之政敬矣。戾於忠。何居我其周從乎。曰周不及殷。其殷從乎。曰夏曰虞曰陶唐曰三皇氏曰遂古之初。暴孽情飾。淫志枝辭。琢正紛紜。糾射以僻民和。以導民亂。嗚呼。道之去世。其終不復矣乎。長民者。發一

號施一令民莫不悱然非矣謂不可守遽變而從之譬將
適千里及門而復後雖矻矻決不可暨原其始固有啓之
者也聞於師曰古之君天下者化之不示其所以化之之
道及其弊也易之不示其所以易之之道政以是得民以
是淳其有作者知教化之所繇廢抑詭恠而暢皇極伏文
貌而尚忠質茫乎天運宵爾神化道之行也其庶已乎

守戒

詩曰大邦維翰書曰以蕃王室諸侯之於天子不惟守土
地奉職貢而已固將有以翰蕃之也今人有宅於山者知
猛獸之爲害則必高其柴援而外施窗徒敢切窬以待之宅
於都者知穿窬之爲盜則必峻其垣牆而內固局鑄音決以

防之。此野人鄙夫之所及。非有過人之智而後能也。今之通都大邑。介於屈強之間。而不知爲之備。噫亦惑矣。野人鄙夫能之。而王公大人反不能焉。豈材力爲有不足歟。蓋以謂不足爲而不爲耳。天下之禍莫大於不足爲。材力不足者。次之。不足爲者。敵至而不知。材力不足者。先事而思。則其於禍也有間矣。彼之屈強者。帶甲荷戈。不知其多少。其縣地則千里。而與我壤地相錯。無有丘陵江河洞庭孟門之關其間。又自知其不得與天下齒。朝夕舉踵引頸冀天下之有事。以乘吾之便。此其暴於猛獸穿窬也甚矣。嗚呼。胡知而不爲之備乎哉。賁育之不戒。童子之不抗。魯鷄之不期。蜀鷄之不支。今夫鹿之於豹。非不巍然大矣。然而

卒爲之禽者。爪牙之材不同。猛怯之資殊也。曰然則如之何而備之。曰在得人。

丐者王承福傳

丐音烏之爲技賤且勞者也。有業之其色若自得者。聽其言約而盡。問之。王其姓。承福其名。世爲京兆長安農夫。天寶之亂。發人爲兵。持弓矢十三年。有官勲。棄之來歸。喪其土田。手鋤衣食。餘三十年。舍於市之主人。而歸其屋食之當焉。視時屋食之貴賤。而上下其丐之傭以償之。有餘則以與道路之廢疾餓者焉。又曰。粟稼而生者也。若布與帛。必蠶績而後成者也。其他所以養生之具。皆待人力而後完也。吾皆賴之。然人不可徧爲。宜乎各致其能以相生也。故

君者理我所以生者也。而百官者承君之化者也。任有小
大。惟其所能。若器皿焉。食焉而怠其事。必有天殃。故吾不
敢一日捨鋤以嬉。夫鋤易能。可力焉。又誠有功。取其直。雖
勞無愧。吾心安焉。夫力易強而有功也。心難強而有智也。
用力者使於人。用心者使人。亦其宜也。吾特擇其易爲而
無愧者取焉。嘻。吾操鋤以入貴富之家有年矣。有一至者
焉。又往過之。則爲墟矣。有再至三至者焉。而往過之。則爲
墟矣。問之其鄰。或曰。噫。刑戮也。或曰。身旣死。而其子孫不
能有也。或曰。死而歸之官也。吾以是觀之。非所謂食焉怠
其事而得天殃者邪。非強心以智而不足。不擇其才之稱
否而冒之者邪。非多行可愧。知其不可而強爲之者邪。將

貴富難守。薄功而厚饗之者邪。抑豐悴有時。一去一來而不可常者邪。吾之心憫焉。是故擇其力之可能者行焉。樂富貴而悲貧賤。我豈異於人哉。又曰。功大者其所以自奉也博。妻與子皆養於我者也。吾能薄而功小。不有之可也。又吾所謂勞力者。若立吾家而力不足。則心又勞也。一身而二任焉。雖聖者不可能也。愈始聞而惑之。又從而思之。蓋賢者也。蓋所謂獨善其身者也。然吾有譏焉。謂其自爲也過多。其爲人也過少。其學楊朱之道者邪。楊之道不肯拔我一毛而利天下。而夫人以有家爲勞心。不肯一動其心以畜其妻子。其肯勞其心以爲人乎哉。雖然。其賢於世之患不得之而患失之者。以濟其生之欲。貪邪而亡道以

喪其身者其亦遠矣。又其言有可以警余者。故余爲之傳而自鑒焉。

五箴

并序

人患不知其過。既知之不能改。是無勇也。余生三十有八年。髮之短者日益白。齒之搖者日益脫。聰明不及於前時。道德日負於初心。其不至於君子而卒爲小人也昭昭矣。作五箴以訟其惡云。

游箴

余少之時。將求多能。蚤夜孜孜。余今之時。旣飽而嬉。蚤夜以無爲。嗚呼余乎。其無知乎。君子之棄而小人之歸乎。

言箴

不知言之人。烏可與言。知言之人。默焉。而其意已傳。幕中之辯。人反以汝爲叛。臺中之評。人反以汝爲傾。汝不懲邪。而嗷嗷以害其生邪。

行箴

行與義乖。言與法違。後雖無害。汝可以悔。行也無邪。言也無頗。普禾切死而不死。汝悔而何。宜悔而休。汝惡曷瘳。宜休而悔。汝善安在。悔不可追。悔不可爲。思而斯得。汝則弗思。

好惡箴

無善而好。不觀其道。無悖而惡。不詳其故。前之所好。今見其尤。從也爲比。捨也爲讎。前之所惡。今見其臧。從也爲愧。捨也爲狂。維讎維比。維狂維愧。於身不祥。於德不義。不義

不祥。維惡之大。幾如是爲。而不顛沛。齒之尚少。庸有不思。
今其老矣。不慎胡爲。

知名箴

內不足者。急於人知。需焉有餘。厥聞四馳。今日告汝。知名
之法。勿病無聞。病其曄曄。昔者子路。惟恐有聞。赫然千載。
德譽愈尊。矜汝文章。負汝言語。乘人不能。揜以自取。汝非
其父。汝非其師。不請而教。誰云不欺。欺以賈音古憎。揜以媒
怨。汝曾不寤。以及於難。小人在辱。亦克知悔。及其旣寧。終
莫能戒。旣出汝心。又銘汝前。汝如不顧。禍亦宜然。

後漢三賢贊三首

王克者何。會稽上虞。本自元城。爰來徙居。師事班彪。家貧

無書閱書於肆市肆是遊一見誦憶遂通衆流閉門潛思
論衡以修爲州治中自免歸歟同郡友人謝姓夷吾上書
薦之待詔公車以病不行年七十餘乃作養性一十六篇
肅宗之時終於永元

王符節信安定臨涇好學有志爲鄉人所輕憤世著論潛
夫是名述赦之篇以赦爲賊良民之甚其旨甚明皇甫度
遼聞至乃驚衣不及帶徒履出迎豈若鴈門問鴈呼卿不
仕終家吁嗟先生

仲長統公理山陽高平謂高幹有雄志而無雄才其後果
敗以此有聲俶儻敢言語默無常人以爲狂生州郡會召
稱疾不就著論見情初舉尚書郎後參丞相軍事卒不至

于榮論說古今發憤著書昌言是名友人繆襲稱其文章足繼西京四十一終何其短邪嗚呼先生

諱辯

愈與李賀書勸賀舉進士賀舉進士有名與賀爭名者毀之曰賀父名晉肅賀不舉進士爲是勸之舉者爲非聽者不察也和而唱之同然一辭皇甫湜曰若不明白子與賀且得罪愈曰然律曰二名不偏諱釋之者曰謂若言徵不稱在言在不稱徵是也律曰不諱嫌名釋之者曰謂若禹與雨丘與區之類是也今賀父名晉肅賀舉進士爲犯二名律乎爲犯嫌名律乎父名晉肅子不得舉進士若父名仁子不得爲人乎夫諱始於何時作法制以教天下者非

周公孔子歟。周公作詩不諱。孔子不偏諱二名。春秋不譏不諱。嬖名。康王釗之孫。實爲昭王。曾參之父名皙。曾子不諱。昔周之時有騏期。漢之時有杜度。此其子宜如何諱。將諱其嬖。遂諱其姓乎。將不諱其嬖者乎。漢諱武帝名徹。爲通。不聞又諱車轍之轍爲某字也。諱呂后名雉爲野鷄。不聞又諱治天下之治爲某字也。今上章及詔。不聞諱滸勢秉饑也。惟宦官官妾乃不敢言諭及機。以爲觸犯。士君子言語行事。宜何所法守也。今考之於經。質之於律。稽之以國家之典。賀舉進士爲可邪。爲不可邪。凡事父母得如曾參。可以無譏矣。作人得如周公孔子。亦可以止矣。今世之士。不務行曾參周公孔子之行。而諱親之名。則務勝於曾

參周公孔子亦見其惑也夫周公孔子曾參卒不可勝勝
周公孔子曾參乃比於宦者宮妾則是宦者宮妾之孝於
其親賢於周公孔子曾參者耶

訟風伯

維茲之旱兮其誰之由我知其端兮風伯是尤山升雲兮
澤上氣雷鞭車兮電搖幟雨瀼瀼兮將墜風伯怒兮雲不
得止暘烏之仁兮念此下民閔其光兮不闔其神嗟風伯
今其獨謂何我於爾兮豈有其他求其時兮修祀事羊甚
肥兮酒甚旨食足飽兮飲足醉風伯之怒兮誰使雲屏屏
兮吹使醺之氣將交兮吹使離之鑠之使氣不得化寒之
使雲不得施嗟爾風伯兮欲逃其罪又何辭上天孔明兮

有紀有綱。我今上訟。今其罪誰當。天誅加兮。不可悔。風伯
雖死。今人誰汝傷。

伯夷頌

士之特立獨行。適於義而已。不顧人之是非。皆豪傑之士。
信道篤而自知明者也。一家非之。力行而不惑者。寡矣。至
於一國一州非之。力行而不惑者。蓋天下一人而已矣。若
至於舉世非之。力行而不惑者。則千百年乃一人而已耳。
若伯夷者。窮天地。亘萬世而不顧者也。昭乎日月。不足爲
明。舉乎泰山。不足爲高。巍乎天地。不足爲容也。當殷之亡。
周之興。微子賢也。抱祭器而去之。武王周公聖也。從天下
之賢士。與天下之諸侯。而往攻之。未嘗聞有非之者也。彼

伯夷叔齊者。乃獨以爲不可。殷既滅矣。天下宗周。彼二子乃獨耻食其粟。餓死而不顧。繇是而言。夫豈有求而爲哉。信道篤而自知名也。今世之所謂士者。一凡人譽之。則自以爲有餘。一凡人沮之。則自以爲不足。彼獨非聖人。而自是如此。夫聖人乃萬世之標準也。余故曰。若伯夷者。特立獨行。窮天地亘萬世而不顧者也。雖然。微二子。亂臣賊子接跡於後世矣。

韓文卷之十二終

韓文卷之十二終





